



CAft ta adverti tocante gap den legislacion cu por mina politica fiscal sostenible



Pagina 2

- **DOW ta anuncia
Micro Paving riba
Green Corridor**

Pagina 2

- **Raad van Advies a
publica su relato
anual di aña
2024**

Pagina 4

- **Microplastico a
ser describri den
nos cerebro, pero
e impacto ariba
nos salud ainda no
ta conoci**

Pagina 7

No por conclui cu certeza total kico
exactamente a pasa den e accidente
di mortero na Aruba den aña 1961



Pagina 3

El Salvador: Rubio ta bisa cu oferta
pa cera criminalnan Mericano
violento ta enfrenta 'legalidadnan'



Pagina 10

Congo ta yama declaracion di alto-el-
fuego di rebeldenan un "comunicacion
falso"



Pagina 19

Den carta na Parlamento di Aruba:

CAft ta adverti tocante gap den legislacion cu por mina politica fiscal sostenible

Den un carta manda na presidente di Parlamento, Gerlien Croes (Futuro) riba e tema di ‘Importancia di Presupuesto 2025 Aproba,’ presidente di Colegio di Supervision Financiero, Lidewijde Ongerling a resalta e hecho cu no a aproba presupuesto 2025 den Parlamento, y ta adverti riba e consecucionan fiscal y legal di esaki.

“Ley Temporal di Supervision Financiero di Aruba (LAft) ta stipula cu Aruba mester entrega e presupuesto aproba pa e proximo aña fiscal na e Colegio di Supervision Financiero (CAft) pa conseho prome cu dia 15 di december. Esaki ta sigura cu un presupuesto legalmente valido ta na vigor for di dia 1 di januari,” Ongerling ta menciona den e carta. Sinembargo, e ta nota cu te fecha di e carta, 3i di januari, CAft no a ricibi e presupuesto aproba pa 2025. E carta ta nota cu segun Artículo 13, paragraf 1 di LAft, a informa Consejo di Minister di Reino di e asunto aki.

“Ausencia di un presupuesto aproba no ta afecta solamente e autoridad presupuestario di Parlamento, pero tambe por tin consecucionan financiero mas amplio, manera restriccion riba drenta den compromisonan financiero nobo. Esaki ta preocupante, ya cu Aruba no lo por haci prestamonan nobo mientras ta enfrente un obligacion di pago di un debe di aproximadamente Afl. 600 miyon na 2025,” Ongerling ta adverti.

“Adicionalmente, dia 1 di januari 2025, sin intervencion parlamentario, a implementa un cambio mayor den impuesto riba entrada y salario (resultando den un perdida estructural di entrada di Afl. 50 miyon),” e carta ta menciona, notando cu Aruba tin “suficiente capacidad pa implementa un medida asina.”

Sinembargo, ta nota cu pa por garantiza un proceso presupuestario bon organisa, ta preferible pa entrega e implicacionnan financiero di e cambio aki na Parlamento mediante un Nota di Amien-



da. “Minister di Finanzas y Cultura a indica cu ta tumanando stapnan pa atende e asunto como parti di e discusion di presupuesto den Parlamento.

“Den e contexto aki, CAft ta resalta un gap potencial den legislacion cu por mina politica fiscal sostenible. Cambionan di politica cu impacto financiero, tanto den termino di entrada como gasto, mester keda aproba pa Parlamento di

antemano.

“E marco legal aki ya ta regula e proceso di aprobacion pa compromisonan di gasto. CAft ta conseha pa evalua con e rekisito aki tambe por ta hancra den legislacion pa cambionan di politica cu tin consecuencia financiero riba entrada. Esaki ta un problema estructural y ta independiente di e discusion di presupuesto 2025.

“Den añanan recién, Aruba a tuma stapnan significante pa mehora su proceso presupuestario. Ta crucial pa continua e progreso aki y sigura un proceso presupuestario ordena. E formacion di un gobierno nobo no mester causa retraso,” e carta ta conseha.

Ademas, ta nota cu unabes cu aproba e presupuesto, “e gobierno nobo por implementa e consecucionan financiero di su prioridadnan di politica a traves di e prome presupuesto complementario.”

Pa finalisa, CAft ta indica cu ta considera cu ta “esencial pa e presupuesto keda aproba lo mas pronto posible, pero no mas laat cu dia 21 di maart 2025, y ta urgi Parlamento pa duna prioridad na su discusion.”

Bon Dia Aruba a tuma contacto cu presidente di Parlamento, Gerlien Croes, pa pidi comentario riba e carta di CAft, cu a keda publica dia 3 di februari. Sinembargo, te ciere di redaccion, no a ricibi un contesta.

Despues di hopi curiosidad den comunidad,

DOW ta anuncia Micro Paving riba Green Corridor

Recientemente, redaccion di Bon Dia Aruba a tuma nota di desaroyonan cerca di Drive In, unda por a nota cantidadnan grandi di saco cerca di e brug. Igualmente, varios lector a acerca Bon Dia Aruba pa puntra kico precies tabata sucediendo.

Den nos tarea pa informa comunidad, siman aki Bon Dia Aruba a tuma contacto cu Departamento di Obra Publico, DOW pa haci pregunta riba e trabaonan den e area. Como contesta, e departamento a publica riba su pagina di Facebook un comunicado cu a comparti ayera cu nos corant.

“Departamento di Obra Publico ta desea di informa comunidad di Aruba ariba un punto cu nos ta hayando basta pregunta. Cuminsando for di weekend cu a pasa, por a tuma nota cu tin bultonan (saco blanco) cerca di e brug di Green Corridor. Esakinan ta e materialnan pa traha e Micro Paving,” e comunica-

do ta bisa.

“Micro Pavement ta un mescla di polymer modifica, cu ta wordo aplica friu usando ekiponan specialisa riba e caminda di asfalt pa alarga e bida di e capa di asfalt. E ta un sistema conoci mundialmente cu lo bay wordo aplica riba e camindanan cu ta cay bou di e proyecto di Green Corridor,” DOW ta informa.

Segun e comunicado, ta usa e Micro Pavement na pidanan di e caminda cu “a cuminsa perde grip of tin scheurnan fini.” A indica cu ta bay implementa e sistema aki riba Green Corridor “como prevencion pa asina percura pa e camindanan di Green Corridor keda cu e grip necesario y cera e scheurnan fini cu ta normal despues cu e caminda tin algun aña caba.”

Tambe a menciona cu na momento di aplica e Micro Pavement, esaki tin un color bruin, pero despues di seca despues di algun ora, e ta bira preto.

“E aña aki, Green Corridor lo cuminsa cu e prome camindanan pa aplica e Micro Paving. Nan lo cuminsa for di Yara bay pa Weg Fontein. Manera nos tin e fecha cu lo bay cuminsa cu e micro paving lo informa na unda trabounan ta bay tuma lugar,” e comunicado a conclui.

Mantencion di caminda
Mientras tanto, hopi caminda na Aruba ta den condicion

deplorable. Recientemente, e anuncio di DOW cu lo drecha caminda cu ta cay den e ruta di paradan di Carnaval a hala hopi atencion. Mientras ta compronde e necesidad pa e camindanan den ruta di parada di Carnaval ta optimo pa un evento cu ta atrae local y turista den cantidadnan grandi, ta cuestiona e manera di organisa ki caminda ta drecha na ki momento. Esaki pasobra keto bay tin cantidad di

caya cu ta hasta forma peligro pa e autonan cu mester core riba nan.

Ciudadanonan cu a acerca mesa di redaccion di Bon Dia Aruba a cuestiona pakico ta duna prioridad na Carnaval, en bes di e pagadonan di belasting cu ta paga pa haci uso di caminda, y toch mester core riba camindanan cu no ta apto y cu por hasta causa daño na auto.



Segun minister di Defensa Hulandes:

No por conclui cu certeza total kico exactamente a pasa den e accidente di mortero na Aruba den aña 1961

November 2024 minister di Defensa Hulandes, Ruben Brekelmans, a presenta e resultadonan di e investigacion historico realisa tocante un accidente di mortero (arma di artilleria cu ta tira proyectilnan explosivo) na 1961 na Aruba. Den luna di december un persona a manda un carta den cual nan ta cuestiona e resultadonan di e investigacion y riba peticion di e secretario di e comision fiha pa Defensa, minister Brekelmans a reacciona riba e carta di 6 di december 2024.

Den un carta di dia 19 di december 2024, e secretario di e comision fiha pa Defensa a pidi e mandatario pa duna un reaccion, por escrito, riba e carta cu un persona a manda dia 6 di december 2024 tocante e descubrimientonan di e Instituto Hulandes pa Historia Militar (NIMH) den su investigacion riba e explosion di un mortero na Aruba den aña 1961.

E persona cu a manda e carta ta pone den duda e investigacion cu e NIMH a realisa. Den e carta e persona ta enfoca riba e documentonan cu NIMH a usa como fuente pa su investigacion y e extension di e metodologia usa. E ta trece dilanti tambe un relacion entre e accidente na Aruba y e accidente di mortero cu a sucede na Mali den 2016. Ademas, e ta expresa su decepcion tocante manera cu e investigacion di NIMH y e carta na Tweede Kamer di november 2024 ta duna atencion na e mariniernan cu tabata sirbi na e momento ey, incluyendo e militar nan cu a ricibi herida den e suceso na Aruba den 1961.

Minister Brekelmans a enfatisa primeramente cu e ta compronde cu e famia di e victimanan y otro hende por tin pregunta tocante e accidente aki. Ademas el a resalta e independencia y calidad cu cual NIMH a realisa su investigacion. El a remarca cu pa por ehecuta su investigacion na e nivel necesario, NIMH a usa un cantidad grandi di documento, incluyendo e documentonan cu e autor di e carta a colecta.

E mandatario a splica cu e investigacion cu e autoridanan



maritimo a lansa inmediatamente despues di e accidente na 1961 a conclui cu e causa tabata un carga di mortero demasiado rapido pa e cargador. Un di e pregunta esencial den e investigacion reciente di NIMH tabata si, basa riba e documentonan disponibel, por tin un otro splicacion pa e explosion di mortero. Den su investigacion, NIMH a examina posibilidadnan alternativo, incluyendo e posibilidad di un fayto den e material.

El a sigui splica cu manera a ser indica den e instruccion pa investigacion pa NIMH, a tene cuenta tambe cu e conclusiennan di e Onderzoeksraad voor Veiligheid (OvV) tocante e accidente di mortero na Mali na 2016. E OvV a conclui den su investigacion cu e explosion tabata e resultado di e shock di e disparo, cu ta a crea kopera-zide den e tubo di shock, causando e granada pa explota den e tubo di e mortero.

Sinembargo, minister Brekelmans a agrega, NIMH a conclui den su investigacion cu no tin ningun indicacion cu e mesun cadena di causa por tabata aplicabel den e accidente di mortero na Aruba na 1961. Esaki ta nifica cu e splicacion di 1961, cu e suceso tabata resultado di e persona cu tabata carga e granadanan a carga dos granada na mesun tempo, ta keda e version mas probabel. Sinembargo, NIMH tambe a enfatisa cu no por exclui cu por tin otro

factor cu a contribui na e accidente.

E mandatario a splica cu manera el a indica den su carta di 14 di november 2024, no ta posibel mas pa haci investigacion adicional riba tur circunstancia relevante ni e tipo di municion cu tabata den uso na e momento ey pasobra e investigacion di e tempo ey no tabata completo, local ta nifica cu aworaki no por conclui cu seguridad total kico exactamente a pasa na 1961.

Tocante e accident na Mali na 2016, minister Brekelmans a enfatisa cu Defensa, den su reaccion na esaki, a implementa diferente garantia pa sigura cu e reglamentonan di seguridad pa municion ta ser estrictamente sigui. El a splica cu den e departamento di municion, a ehecuta un reorganizacion cu e meta pa reforsa seguridad. Esaki a resulta den un optimisacion di e proceso, e introduccion di protocolnan di seguridad mas estricto, y un expansion di capacidad y conocimiento. El a agrega cu ademas un directiva special pa mehoracion di e politica di seguridad a ser estableci, y awor tin un entidad independiente, e Inspectie Veiligheid Defensie (IVD), cu ta encarga cu e supervision riba e sistema di maneho di seguridad den Defensa.

Pa loke ta e mariniernan cu tabata involvi den e accidente na Aruba den 1961, e mandatario a indica cu den

ma den un periodo cortico despues di e accidente tocante e estado di nan yiu y e causa di e suceso.

“Mi ta haya importante pa ripiti aki cu e mariniernan cu tabata involvi a cumpli cu nan tarea conforme nan conocimiento y nan responsabilidad na e momento ey,” minister Brekelmans a resalta.

Por ultimo el a indica cu e investigacion di NIMH, of cualkier otro investigacion, no por duna respuesta na tur pregunta cu e autor di e carta tin tocante e suceso na Aruba, y cu e ta compronde e decepcion di e persona door di esaki.

Den su carta anterior, e mandatario a reconoce cu e investigacion di 1961 a yega na un conclusion na un manera demasiado rapido, lagando algun pregunta importante sin respuesta. “Mi ta convenci cu e NIMH a haci tur esfuerso posibel pa trece claridad tocante e suceso na Aruba y a inclui tur documento disponibel den su investigacion. Lamentablemente, despues di 64 aña, no ta posibel mas pa lanta conclusionnan definitivo tocante kico realmente a pasa den e suceso di 1961,” el a finalisa.



Raad van Advies a publica su relato anual di aña 2024

Recientemente Raad van Advies a publica su relato anual di aña 2024. Den esaki e Consejo ta subraya dos desaroyo importante pa loke ta e estructura di organizacion gubernamental, e manera con ministerionan ta ser estableci y conforma, y independisacion di instancianan gubernamental. Teniendo na cuenta e proceso di formacion pa un gabinete di gobierno nobo, Raad van Advies ta trece dilanti puntonan importante pa e loke ta e conformacion di ministerionan pa e gobierno nobo.

Raad van Advies ta scoge tur aña un tema pa su relato anual cu por ser relaciona cu e consejo cu el a duna durante e aña pasa. Desaroyo durante e aña di rapport ta sirbi como un tipo di 'trigger' pa scoge un tema determina, ya sea pa motibo cu e tabata den e atencion publico, of pa motibo cu el a ser poco resalta apesar di e necesidad urgente pa un solucion y pasonan concreto.

Ora e Raad van Advies scoge un tema specifico, e ta stimula gobierno y otro stakeholders pa desaroya mas politica y/of tuma accion concreto. E tema di e aña aki a ser scogi riba base di su presencia repetitivo den e consehonan di Raad van Advies durante e ultimo añanan. Den termino general, e ta trata di e estructura di organizacion gubernamental.

Raad van Advies ta señala cu si wak e estructura di organizacion gubernamental, por nota dos desaroyo importante. E prome ta trata di e manera con ministerionan ta ser estableci y conforma, cu ta cambia den tur periodo di gobierno. E di dos ta trata di e ola continuo di independisacion di instancianan gubernamental. E Consejo ta indica cu ambos desaroyo ta caracteriza hopi biaha pa decisionnan cu no ta basa riba fundamento solido y cu poco transparencia, causando un fragmentacion cu no ta beneficia e coherencia y unidad di tanto e estructura como e politica di gobierno.

Raad van Advies a remarca cu e desaroyonan menciona a preocupa nan te na tal punto cu na april 2024 nan a dicidi saca un consejo basa riba articulo 25, parti a, di e Landsverordening Raad van Advies. E consejo aki tabata



den forma di un orientacion general, den cual e Consejo tabata desea pa duna algun punto di referencia den e proceso di pensamiento tocante e estructura di organizacion gubernamental, specialmente den contexto di e eleccionnan di futuro, cu originalmente tabata plania pa juni 2025, pero cu a tuma luga dia 6 di december 2024 despues di caida di Gabinete Wever-Croes II.

Raad van Advies ta splica cu aunke e consejo a ser presenta na gobierno y na Parlamento den e comienso di mei, pa momento di ciere di e aña di rapport a keda constata cu ni e analisis ni e recomendacionnan di e Consejo a resulta den algun tipo di reflexion, y menos ainda den algun tipo di cambio di rumbo. Contrario, e proceso di fragmentacion y independisacion a sigui progresa sin pauze.

E Consejo a indica cu durante aña pasa, varios proyecto di ley a ser introduci den e proceso legislativo. Entre nan tin e proyecto di Landsverordening pa e creacion di Aruba Quality and Hospitality Authority, y e proyecto di Landsverordening pa cuenta di pago basico, cu ta crea entidad nobo.

Raad van Advies a señala cu na momento cu e orientacion a ser presenta na Parlamento y gobierno, e proyecto di Landsverordening pa e transferencia di e red di awa

di riool y e instalacion di incinerator di sushi tabata den discusion na Parlamento.

E Consejo a remarca cu a pesar di e recomendacionnan firmemente expresa den e consejo di october 2023, nan preocupacionnan serio no a ser atendi suficientemente, y como resultado, e proyecto di Landsverordening a ser aproba pa Parlamento dia 30 di mei 2024.

Den su consejo, Raad van Advies a indica, entre otro, e siguiente riba e independisacion aki.

"E situacion cu ta relaciona cu e creacion di un marco di politica general pa e maneho y proceso di desperdicio, incluyendo awa di riool, ta keda ainda sin mucho claridad. Tampoco a ser indica kico ta e plan pa implementa e producto legislativo necesario pa e politica aki, ni con e independisacion proponi di e RWZI's (Rioolwaterzuiveringsinstallaties, red) y e instalacion di e incinerator di desperdicio na Parkietenbos ta ahusta den e politica general.


E consejo di Raad van Advies a señala tambe cu ademas e fundamentacion financiero no ta satisfactorio y no ta pone atencion riba alternativenan posibel. E Consejo ta resalta e necesidad di crea un N.V. separa especialmente pa maneha e plantanan di RWZI y e instalacion di incinerator na Parkietenbos no ta sostiene di manera suficiente.

van Advies a recomenda pa realisa e cuadro huridico necesario prome cu a pasa over na e independisacion.

E Consejo a conseha tambe pa reevalua e introduccion di e sustainability fee y implementa of adapta e Retributiebesluit rioolwaterafvoer di tal manera cu tur usuario ta contribui na un manera proporcional pa un maneho di awa di sushi sostenibel, respetando e principio di "esun cu ta contamina ta paga".

E consejo di Raad van Advies no a ser sigui, y e consecucionan di un independisacion no bon plania y no bon implementa a cuminsa wordo sinti. Raad van Advies ta señala cu te ainda, e problema relaciona cu e transferencia di e plantanan di RWZI's no a ser resolvi na un manera adecuado, mientras cu e asina yama sustainability fee, cu tabata destina pa cubri e explotacion di e plantanan di RWZI's, ta ser cobra sin solucion cla na lugar.

Raad van Advies ta subraya cu awor cu no solamente un aña nobo a cuminsa, pero ademas tambe ta para na drempel di un periodo di gobierno nobo, ta e momento oportuno pa trece e orientacion di e Consejo riba organizacion gubernamental bek den atencion publico cu e speranza cu lo e hiba na algun reconsideracion y cambio di rumbo.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop
Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Stichting Rancho mester cera porta di su oficina y no tin espacio pa ricibi bishita di pueblo

Recientemente tabata circula informacion cu Stichting Rancho ta den proceso di muda, pero cu no tin un edificio nobo ainda pa establece e fundacion. Bon Dia Aruba a tuma contacto cu presidente di Stichting Rancho, Clifford Rosa, ken a confirma cu en berdad lamentablemente Stichting Rancho ya no lo tin un oficina cu pueblo di Aruba por pasa bishita.

Contestando e pregunta kico ta e motibo cu ta bandonando e localidad cu nan tabata den dje, Rosa a splica cu e prijs di huur e luga a aumenta, locual ta hacie dificil pa e fundacion por a sigui mantene porta habri na e localidad aki.

A puntra Rosa tambe si a duna un splicacion na e fundacion di e motibo cu nan dicidi di aumenta e prijs di huur, si e fundacion no por busca ayudo of subsidio pa yuda paga e huur y si e fundacion lo sigui cu su trabounan.

Rosa a splica cu a aumenta e prijs di huur pa motibo cu real estate tin un prijs comercial cu tur hende kier haya como entrada. El a indica cu Stichting Rancho semper a busca pa tin subsidio pa e parti operacional di e fundacion, pero no ya no ta logra sigui na e luga aki mas.

El a remarca cu a pesar di e ciere di nan oficina e fundacion ta sigui na bida pa eherce cierto actividadnan tradicional.

“Cumpliendo 15 aña dia 20 di april 2025, organisando Careda di Boto Miniatura



riba 18 di maart 2025, conscientisa riba 16 di februari 2025 tocante Guerra Mundial. Pero awe 4 di februari 2025 no tin espacio pa Stichting Rancho ricibi bishita di pueblo y publico en general,” el a splica.

Pa celebracion di 200 aña di Oranjestad Stichting Rancho a habri un museo den Oranjestad, na e edificio Nikky Habibe, pero e edificio aki tampoco nan no por usa. Rosa a splica cu na e edificio aki e contract a vence dia 31 di december 2024 y nan ta eynan ainda, pero no por haci nada tampoco. El a indica cu nan a warda e cosnan di e fundacion den e edificio en espera di kico futuro tin pa Stichting Rancho.

Pa agrega na e tristesa cu tin, el a informa cu dialuna mainta, 3 di februari, nan a encontra e baki di sushi cu nan a usa pa haci e luga limpi na candela. El a splica cu e container tabat'ey desde diamars y pa diahuebs e tabata yen caba, y lastimamente dialuna na a encontra cu e sorpresa cu a pega e container na candela.



zStichting Rancho ta conoci pa diferente proyecto, actividad y sobretodo pa su trabou y dedicacion den e area di herencia cultural di Aruba. Ademas e fundacion tin un bon relacion cu Reina Hulandes. Durante añanan, Rosa a splica, Aruba a bin ta perde hopi cos y esaki, el a menciona, ta motibo di e go-

biernonan.

El a expresa cu, mirando cu aworaki tin e proceso di formacion di gobierno andando, Stichting Rancho lo desea di mira un ministerio di Enseñansa, Cultura y Ciencia hunto pa asina atende cu multiple asunto di pais Aruba.



Minister Ursell Arends:

Delegacion di Sint Maarten ta na Aruba pa explora maneho di desperdicio dinamico implementa

Aruba ta e prome isla den Reino Hulandes cu a logra cera su dump y transiciona na un sistema di maneho di desperdicio mas responsabel, posicionando como un modelo pa sigui.

Den e contexto aki, delegacion di Sint Maarten ta na Aruba, dirigi door di Minister di Vivienda Publico, Medio Ambiente y Infraestructura, Sr. Patrice Gumbs. E delegacion lo conoce mas di cerca e transformacion aki y explora solucionnan cu por ta aplicabel na nan situacion na Sint Maarten.

E ciere di dump Parkietenbos a marca un comienso nobo den maneho di desperdicio di Aruba. Un paso cu mester a wordo tuma hopi aña atras mirando e dump tabata operando riba su capacidad pa decadas caba, y extremadamente dañino pa salud publico y medio ambiente. Hopi Gobierno anterior a duna di conoce nan intencion di cera esaki, pero no a logra. Probablemente paso e no tabata un decision popular. Esaki ta unda bienestar di Aruba mester a lidera e decision y no decisionnan populistica. Un decision cu ful Aruba por ta di acuerdo cu tabata necesario, pero specialmente esnan cu ta biba den vecindario, cu tabata sufri di e consecuencia di e cero toxico y huma preto na Parkietenbos.

Pa logra esaki diferente strate-



gia clave a wordo implementa, entre nan:

Redireccion di desperdicio pa reduci e cantidad cu tabata yega dump.

Tin cu menciona cu ya for di 2018, Serlimar mes no tabata tira desperdicio residencial of comercial na Parkietenbos mas, sino hiba na Ecotech pa wordo procesa, un acuerdo di Gobierno di e tempo ey.

Impulsa un sector di procesa desperdicio, creando oportunidad pa empresanan di reciclahe y sostenibilidad.

Desaroyo di strategianan a largo plaso, basa riba data di pasado y actual.

Fortalecimiento di cumplimiento y control, incluyendo medida pa duna boet ora tira sushi ilegal, esaki ainda ta den proceso mirando cu ta rekeri cooperacion di husticia.

E problema di maneho irresponsabel di desperdicio ta un desafio di hopi decada na Aruba. Prome cu a cuminsa cu e transformacion aki, Na 2012 segun e rapport di Cero Tolerancia a identifica 62 plot

habri, cual 31 tabata wordo usa como dump ilegal, awe nan ta 6. DNM ta monitoreando nan y e siguiente paso ta pa hunto cu BCI atende cu nan. Esaki ta demostra cu maneho di desperdicio no ta solamente un asunto di infraestructura, sino tambe di un cambio cultural y di comportacion den comunidad.

A pesar di e avancen, e transicion no a tuma luga sin desafio. Resistencia politico, incluso acto di tira sushi clandestino den anochi, y e implementacion di medidanan di control y cumplimiento tabata rekeri un esfuerzo considerable. Sinembargo, a traves di Bureau City Inspector (BCI), esfuerzo a wordo intensifica pa combati e practicanan ilegal aki y reforsa consciencia ambiental den e comunidad. Awe, tin mas control social, reportando actividad ilegal di dump pa proteha nos isla di esnan cu no ta demostra amor pa Aruba. Danki na e vigilancia di e pueblo, instancianan relevante por tuma ac-



cion rapido contra e irresponsabilidad di tira desperdicio ilegalmente. Paso caminda di hiba desperdicio tin, mas informacion riba limpi.aw.

Aruba ta riba e rumbo pa transiciona na un economia circular, promoviendo e principio di reduci, reusa y recicla. E planificacion di un Milieupark (Parke Ambiental) ta den proceso. Aruba for di basta aña tabata merece un centro clave pa procesamiento di desperdicio y recuperacion di recurso. Sinembargo, pueblo mester ta consciente cu soluciona un problema di mas cu 70 aña no ta un asunto di par di aña. E continuidad di e vision lo depende di compromiso di e proximo gobierno pa mantene e mesun voluntad politico pa sigui avansa cu solucionnan responsabel basa riba data, considerando semper e bienestar di pueblo, planeta y prosperidad.

Ademas, actualmente un estudio ta wordo realiza den colaboracion cu Universidad

di Georgia pa analisa comportamiento di ciudadano den relacion cu maneho di desperdicio. Esaki lo contribui na mehora strategianan implementa, specialmente separacion.

Riba e caminda pa un Aruba mas limpi, sector publico y priva tin un rol crucial. Ainda tin retonan pa soluciona, como amplia e orario di centronan di procesamiento di desperdicio riba weekend. Esaki mester wordo atendi den colaboracion cu e sector publico y priva.

E delegacion di Sint Maarten lo tin e oportunidad pa conoce detayadamente tur e iniciativas aki y tambe comparti conocimiento cu e ekipo di Aruba. E intercambio di experiencia no solamente lo fortifica cooperacion entre islanan di Caribe, sino tambe lo permiti pa avansa colectivamente den implementacion di solucionnan sostenibel y responsabel pa maneho di desperdicio den e region.

Rescate di dos persona di nan boto di piscado west di Aruba

Wardacosta Caribe Hulandes ayera nochi a ricibi un notificacion via di e radio maritimo VHF canal 16, na momento cu un boto tabata indica na un tankero cu e la haya problema riba lama.


E boto cu nomber Aribel tabata mas o menos 30 miya west di Aruba y e tripulacion tabatin mester di asistencia inmediatamente. E Centro di Operacion Maritimo di Wardacosta mesora a dirigi e helicopter pa e area caminda e boto tabata, pa por yuda e dos homber abordo.

Na yegada na e sitio e helicopter di Wardacosta a asisti e dos homber abordo y a hisa nan paden di e helicopter.



Despues di a saca nan for di nan boto a hiba e dos homber aeropuerto di Aruba, e dos personaa yega Aruba 'safe and

sound'. E boto Aribel a ser rescata awe pa e boto Orion di Aruba.



Famianan y dokter ta demanda contra orden di Trump pa para fondo pa cuidu di afirmacion di genero

(AP) - Un grupo di famia cu yiu transgenero a presenta un demanda na tribunal riba diamars contra e orden ehecutivo di presidente Donald Trump pa stop e sosten di cuidu medico afirmativo di genero pa hende transgenero abou di edad di 19 cu fondo federal.

PFLAG, un grupo nacional pa famia di hende LGBTQ+, y GLMA, un organisacion di dokter, tambe ta demandante den e reto legal na Corte di Distrito di Baltimore. E caso a surgi un siman

despues cu Trump a firma un orden pa gobierno federal stop di financia programanan di seguridad medico dirigi pa gobierno, incluyendo Medicaid y TRICARE.

Kristen Chapman, mama di un di e demandantenan, a bisa cu su famia a muda pa Richmond, Virginia, for di Tennessee den 2023 pa motibo di un prohibicion ariba cuidu afirmativo di genero den nan estado natal. Su yiu muhe di 17 aña, Willow, tabata programa pa tin su prome cita cu un proveedor nobo cu ta acepta Medicaid. Pero



Trump a firma su orden un dia prome y e hospital a bisa cu nan no por duna cuidu mas.

E politica di Trump ariba transgenero ta un cambio drastico compara cu e administracion di Biden, cu a busca explicitamente pa extende proteccion di derecho civil na

hende transgenero. Investigadornan a haya cu menos di 1 pa cada 1.000 adolescente ta ricibi e cuidu, cu ta inclui tratamentonan manera blokeado di pubertad, hormoon y cirugia—aunke cirugia ta inusual pa mucha. Mientras cu hende transgenero a gana mas visibilidad y aceptacion na cierto nivel, e

ta bin cu un reaccion fuerte contra nan. Al menos 26 estado a pasa ley pa restringi of prohibi cuidu pa menor di edad. E Corte Supremo di Merca a tende argumentonan aña pasa, pero ainda no a dicidi si e prohibicion di Tennessee riba cuidu afirmativo di genero ta constitucional.

Microplastic a ser descubri den nos cerebro, pero e impacto ariba nos salud ainda no ta conoci



(Nu.nl) – Microplastic por yega te den e cerebro humano, segun un investigacion cientifico. E impacto di esaki ariba nos salud ainda no ta cla. Segun cientifico, ta hopi importante pa haci mas investigacion tocante e consecuencianan pa e curpa humano.

Investigadornan a haya 5 miligram di microplastic pa gram di tehidu di cerebro. Esaki ta nifica cu un cerebro humano por contene algun gram di microplastic. “Mas o menos e mesun cantidad cu un cuchara di plastic,” segun un cientifico cu a participa den e investigacion a bisa na Volkskrant.

Nan a investiga cerebro di personanan cu a fayece entre 2016 y 2024. Den personanan cu a fayece aña pasa, nan a haya te 50% mas microplastic cu na e otro fayecidonan.

Microplastico tambe a ser haya den otro parti di curpa, manera e riñon. Pero e cantidad tabata hopi menos cu

den e cerebro. Den mayoria di e casonan, tabata polyethyleen, un material cu ta ser usa pa embala producto, manera boter di plastic.

Investigadornan ta duna enfasis cu ta necesario pa haci mas investigacion ariba “e posibel efectonan di plastic riba e salud humano, specialmente den e cerebro”.

Microplastic ta pida di plastic masha chikito cu por midi te 0.5 milimeter. E ta forma ora plastic kibra y e por drenta nos curpa via cuminda, cos di bebe y den aire.

Investigadornan a studia cerebro di 12 hende cu tabata sufri di demencia. Den nan cerebro, nan a haya 3 te 5 biha mas microplastic.

Segun investigadornan, esaki no ta nifica cu demencia ta causa door di microplastic. Un posibilidad ta cu hende cu demencia por ta mas vulnerabel pa particularnan externo. Asina un neurotoxicologo a splica na Volkskrant.



ATTENCION

Entre dia 10 y 14 di Februari
por cuminsa pone tent, trailer of stoel.

Prome cu dia 10 di Februari, esaki NO ta permiti.
DIP, DOW of Polis lo kita tur obheto poni riba e trottoir.

Ta pidi encarecidamente pa no tape of
causa daño na e trottoir.

Di antemano danki pa e cooperacion.

Pa mas informacion tuma contacto na: 527-7100 of dip.aw

Corsou su sector di educacion primario ta muestra mehoracion pero te ainda ta enfrenta desafionan grandi

(CuraçaoChronicle) - Corsou su sistema di educacion primario a haci progreso, sin embargo desafionan significante ta keda, segun e rapport State of Primary Education 2024. E rapport a keda oficialmente ricibi pa e Minister di Educacion, Ciencia, Cultura y Deporte (OWCS) Sithree van Heydoorn, manera gobierno a anuncia.

E documento aki ta provee un bista di calidad di educacion basa riba e indicadornan selecta for di e inspectorado su cuadro di evaluacion y a keda desaroya den colaboracion cu hoofdnan di scol y

directivanan.

E resultadonan clave

E inspectorado di educacion a nota y resalta algun desaroyo positivo manera un miho cumplimiento na acuerdonan di parti di e scolnan. Tambe a mira cu tin un miho comunicacion cu autoridnan y a haci ahuste den cuadro di programa di training pa docentenan pa asina por mehora e calidad.

Sin embargo, tambe a nota cu tin desafionan ta persisti manera garantia di suficiente oranan di les pa e studiantenan, mehoracion di e reportahe di progreso di studiantenan, inversion den sosten

y calidad di docentenan y actualisacion di e legislacion pa educacion.

E inspectorado a haci yamado pa sigui tuma accion pa atende e problemanan di capacidad y garantiza un educacion inclusivo pa tur estudiante.

E publicacion di e rapport aki ta cumpli e inspectorado su responsabilidad legal bao Artikel 6, Seccion 3 di Primary Education Ordinance, contribuyendo na e implementacion di Artikel 21, Seccion 8 di e Constitucion di Corsou.

Inspector-General Raily Goedgedrag a duna bon bini na e hecho cu e rapport



tambe lo keda publica den Papiamentu, cual ta mehora su accesibilidad y ta aumenta

conscientisacion tocante e estado di educacion primario na Corsou.

Hulanda:

Escasez den prizon ta laga 4,000 condenado liber incluyendo 1,158 cu victima

(CuracaoChronicle) - Mas di 4,000 criminal condena na Hulanda a evita cumpli nan sentencia a causa di un escasez di celda den prizon, 4 biaha mas compara cu e ana anterior, segun un investigacion di EenVandaag. Entre nan, 1,158 caso ta involucra ofensa cu victima directo of familiarnan cu a sobrevivir.

Secretario di Estado encarga cu Seguridad y Husticia Ingrid Coenradie a describi e situacion como un “codigo preto” den December, nificando cu no tin espacio disponibel den prizon of polis pa atende e detenidonan

nobo. Como resultado di esaki, varios condenado cu a ser sentencia pero no encasela inmediatamente, no por a cumpli cu nan sentencia.

Den december di 2023, e ministerio di Husticia y Seguridad a anuncia cu e condenadonan no lo ser yama mas pa cumpli cu nan sentencia a causa di e falta di espacio. Na e tempo ey, 1,100 di e personanan aki a ricibi condena final, mayoria di sentencia di te hasta 1 aña. E cantidad aki a aumenta te na 4,109 segun data cu EenVandaag a obtene.

Colectivamente, e personanan aki tin un total di 587 aña di sentencia pa cumpli y un

total di 5,627 crimen cometi. Den 97% di e casonan, e sentencia ta di 1 aña of menos, aunke esaki no ta necesariamente indica cu e ofensa tabata uno menor. Entre nan, 1,116 di nan tabata condena pa crimen cu a laga victima atras, incluyendo accident di trafico fatal, cual hopi biaha ta carga sentencia di te hasta 1 ana. E grupo aki so ta responsable pa 1,158 caso criminal, cu un total di 133 ana di sentencia no cumpli.

Ministerio Publico (OM) y Centraal Justitieel Incassobureau (CJIB) ta determinan ken ta cualifica pa e grupo aki. E ofensornan condena di crimen cu ta carga 12 aña of mas, ademas di cierto ofensa sexual, ta automaticamente exclui. Esnan cu ta ser otorga e status aki no ta inmediatamente deteni ora cu nan ricibi nan sentencia pero si ta ricibi un carta cu instruccion di ki ora mester reporta na prizon.

Den 2024, solamente 32 di e personanan aki a boluntariamente entrega nan mes pa cumpli nan sentencia. Mientrastanto, mas di 1,730 condenado a perde nan status y e ministerio no a clarifica dicon.

Por lo menos 95 persona condena ta enfrentando un sentencia di mas di 1 ana, cu un total di 173 ana combina. Nan ofensa ta inclui crimenan relaciona cu droga, robo,



labamento di placa, fraude, falsificacion, ofensanan contra ordo publico, posesion di arma ilegal y fraude di impuesto. Algun a ser condena den cortenan di exterior y nan sentencia a ser transferi pa Hulanda.

E ministerio di Husticia y Seguridad a declara cu 6 hende homber su condena ta caduca e aña aki. Nan a ser sentencia na 1 aña den prizon pa un total di 46 caso, incluyendo agresion, mancha bao influencia, ofensanan relaciona cu droga, vandalismo y violacion di Wet personenvervoer 2000 (WP 2000), e ley Hulandes cu ta regula transport di pasajero.

E atraso aki ta keda crece. Den februari di 2024, 502 condenado nobo a uni e lista, mientras cu den november, e cantidad tabata 568. Entre december di 2023 y december di 2024 un totl di 4,445 persona a acumula.

Apesar di e pausa oficial riba entrada na prizon, algun condenado a ser procesa. E min-

isterio a reporta cu 1,768 persona di e grupo aki a sali for di e sistema aña pasa, aunke solamente 32 a drenta e prizon. E casonan cu a resta a keda anula pa motibonan cu no ta keda cla.

Ministerio di Husticia y Seguridad no a splica dicon 1,730 condenado a ser kita for di e lista. “Mientras cu e motibonan pa salida ta graba, nos sistema no ta permiti nos un seleccion pa e data aki,” vocero di ministerio a bisa. Ta keda desconoci si e individuos aki no a presenta pa nan sentencia, huy of a keda deteni pa crimen nobo.

Adicionalmente, e ministerio a admiti cu implementa un “maneho di inventario complementario” a causa di e atraso. “Si e circunstancianan alrededor di e caso of individuo cambia, e evaluacion por keda revisa, cual ta causa un salida for di e sistema,” e vocero a splica.

E criterio exacto pa e tipo di decisionnan aki no a keda revela.



PARLAMENTO
ARUBA

STATEN VAN ARUBA

OPENBARE VERGADERING OP 10 FEBRUARI 2025 OM
09:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

1. Initiatief-Ontwerp-landsverordening tot vaststelling van de begroting van de Algemene Rekenkamer van Aruba voor het dienstjaar 2025.
2. Initiatief-Ontwerp-landsverordening tot vaststelling van de begroting van de Ombudsman van Aruba voor het dienstjaar 2025.
3. Initiatief-Ontwerp-landsverordening tot vaststelling van de begroting van de Staten van Aruba voor het dienstjaar 2025.

De Griffier,
mr.drs. Herman Ch. J. Hek



Cuminsando cu 4 florin, bo por gana e suma grandi aki

Afl. 265.000,-

Obtenibel na cualkier rebendado di Lotto.

sorteo ta awe noch 7:45 pm




Competencia di futbol na Boneiro para door di un incidente di violencia

(Bonaire.nu) – E competencia di futbol na Boneiro a ser para temporalmente despues di un incidente serio durante e torneo entre Juventus y Vespo. Na minuut 67 di ewega, un carchi cora a ser duna, despues di cual e situacion a escala completamente.

E hungador cu a ricibi e carchi cora no por a controla su emocionnan. Despues di su exclusion, e la dal e referee den su cara. E victima a sangra di su boca. E agresion a causa cu e referee a haci denuncia na polis di biaha. Un portavoz di e federacion di futbol a indica cu agresion di e tipo aki no ta ser tolera. Futuro di

e hungador involucra den e competencia ta hopi insegur.

Debi na e incidente, e federacion di futbol a dicidi di para e competencia inmediatamente. No ta conoci si of pa ki tempo e competencia lo sigui.



Corsou: Cerca di 400 cacho a haya chip durante evento

(Curacao.nu) - Diasabra pasa, durante e tercer edicion di Ban Topa, cerca di 400 cacho a haya chip, un record pa e proyecto. Na e evento, doñonan di cacho por a bin pa chip nan mascota y haci cita pa esterilizacion.

E evento tabata organisa pa Dierenwelzijnsproject di Ministerio di Salud, Natuuralesa y Medio Ambiente (GMN) den colaboracion cu Rescue Paws Curaçao y Stichting Dierenhulp Curaçao. E evento a tuma lugar na Sentro Deportivo Korsou (SDK).

A pesar di e cantidad grandi di hende, e chipmento y proceso administrativo tabata liher y bon organisa. Doñonan di cacho tabata satisfecho, chip bo mascota ta yuda pa por haya nan mascota back si e ta perdi.

Fraude di voto na Sint Maarten: un bista ariba 'vote buying'

(Curacao.nu) - Dia 1 di augustus 2024, tres persona a ser aresta durante un investigacion ariba fraude di voto na Sint Maarten. Un di nan tabata Akeem Arrindell, na mesun tempo un miembro di parlamento di United Peoples Party a ser acusa di cumpra voto durante e eleccion di parlamento na 11 di januari 2024. Awo cu e hues a publica e sen-

tencianan, ta sali na cla con "vote buying" ta tuma lugar.

E sentencianan ta muestra con Arrindell y su complicenan a traha. Nan a usa personanan intermediario pa cumpra voto. Pa un pago financiero, e intermediario ta vota pa e politico y ta manda un potret di e boletin di voto como prueba.

Den e documentonan legal ta para cu Akeem Arrindell no tabata solamente involucra den e compra di voto, pero tambe tabata coordina e ehecucion di esaki. E la duna placa na su intermediario, duna instruccion y aproba e potret cu a yega. Esaki ta muestra cu e tabata na cabes di un fraude organisa cu intencion di influencia e resultado di eleccion.



Hulanda ta ricibi un critica fuerte pa canal, riu y awanan sushi

(Nu.nl) - E calidad di awa na Hulanda ta hopi malo, y ta cla cu e pais no ta bay logra su metanan den dos aña. Pa e situacion mehora, mester di esfuerso grandi.

Algun tempo caba tabata cla cu e awa na Hulanda no ta di calidad bon. Pero den un reportahe nobo cu a sali diamars mainta, Comision Europeo ta duna un advertencia serio.

Pa 2027, tur pais na Europa tin cu cumpli cu e regla di



Kaderrichtlijn Water (KRW), acorda na aña 2000. Esaki ta nifica cu den dos aña, e canti-

dad di substancia kimico den awa no por ta hopi, y e bida natural (bestianan y mata)

mester ta na bon estado.

Segun e reportahe, e awa di Hulanda ta bou di hopi presion, principalmente door di e poblacion grandi y uso agricultural.

E cantidad di nitrogeno cu no ta ser absorbi pa mata y ta caba den awa ta cuater biha mas hopi cu e promedio den Europa. Mitad di esaki ta bini for di agricultura, segun e Comision.

E status ecologico (di e bestianan y matanan) di e awa

Hulandes a empeora levemente cu 0.3% compara cu seis aña pasa, ora e ultimo reporte di e Comision Europeo ariba calidad di awa a sali.

Pero loke ta mas preocupante ta cu, segun e comision Europeo, pa 2027 apenas 5.2% di e awanan Hulandes lo cumpli cu e exigencianan ecologico.

Tambe na e aspecto di substancianan kimico, Hulanda no ta para bon. Den 2019, casi 40% di e awa tabata di bon calidad. Awo, e cifra ta apenas 9.4%.

El Salvador: Rubio ta bisa cu oferta pa cera criminalnan Mericano violento ta enfrenta ‘legalidadnan’

(AP) — Secretario di Estado Mericano, Marco Rubio a bisa diamars cu oferta di El Salvador pa acepta y cera criminalnan Mericano violento ta presenta problemanan legal, pero a describibe como “hopi generoso” y a bisa cu presidente Donald Trump lo tuma un decision si lo bay dilanti cune.

Rubio a yega na un acuerdo inusual cu presidente Salvadoreño, Nayib Bukele un dia prome, cu e pais Centro Americano lo acepta deportadonan di cualkier nacionalidad for di Merca, incluyendo ciudadnonan Mericano y residentenan legal cu ta cera pa crimen violento. “Obviamente tin legalidadnan involucra. Nos tin un Constitucion,” Rubio a bisa na un conferencia di prensa ayera na San Jose cu presidente Costaricense, Rodrigo Chaves. “Pero e ta un oferta hopi generoso. Niun hende a yega di haci un oferta asina – y pa outsource, na un fraccion di e costo, al menos algun di e criminalnan mas peligroso y violento cu nos tin na Merca. Pero obviamente e administracion ta bay tin cu tuma un decision.”

Rubio a discuti inmigracion cu Chaves – un prioridad di administracion di Trump –



mientras e diplomatico top di Merca tambe ta enfrenta agitacion mayor na e Agencia Mericano pa Desarrollo Internacional (USAID) cu a laga hopi na e agencia di ayudo y Departamento di Estado cu miedo di perde nan trabao.

Mientras cu Rubio ta den un bishita di cinco pais den Centro America e siman aki, personal di USAID y legisladornan Demócrata a keda blokea for di su sede dialuna despues cu Elon Musk, kende ta manehando un Departamento di Eficiencia di Gobierno cortando presupuesto, a anuncia cu Trump a bay di acuerdo cune pa cera e agencia di ayudo.

Miles di empleado di USAID ya a haya retiro, y a shut down programanan rond mundo despues cu Trump a impone

un freeze riba asistencia internacional despues di asumi su cargo. Rubio despues a ofrece un waiver pa programanan pa salba bida, pero confusion riba kico ta excenso di ordennan pa stop trabao – y miedo di perde ayudo Mericano permanentemente – ainda ta parando ayudo y trabao di desarrollo mundialmente. “Ami lo bisa si algun organizacion ta ricibiendo fondo for di Merca y no sa con pa aplica un waiver, e ora mi tin pregunta serio riba e competencia di e organizacion ey,” el a bisa reporteronan. “Of mi ta puntra mi mes si nan ta sabotando e deliberadamente pa haci un punto politico.”

E tambe a bisa cu pa largo e tabata apoya ayudo exterior. “Mi ta continua sosteniendo ayudo exterior. Pero ayudo exterior no ta caridad.” El a

nota cu cada dollar cu Merca gasta mester avansa su interes nacional.

Memey di e disturbio na cas, Rubio y Chaves a papia di retonan di inmigracion y seguridad cu Costa Rica ta enfrenta mientras a bira no djis un pais di transito pa migrantenan bayendo Merca, pero tambe un destinacion pa miles di Nicaraguense desde cu e pais ey a cuminsa actua contra oposicion cuminsando na 2018.

Costa Rica tambe a lucha contra aumento di violencia relaciona cu droga den ultimo dos aña. “Nos tambe ta compronde cu nos mester reforsa nos bataya contra crimen organisa internacional,” Chaves a bisa, agregando cu Rubio a ofrece pa continua sosten Mericano mediante waiver pa permiti e asistencia exterior aki continua.

Despues di su reunion cu Chaves, Rubio a yega Ciudad de Guatemala pa reuni cu presidente Guatemalteco, Bernardo Arevalo.

Un dia prome, Rubio a reuni na San Salvador cu Bukele, kende a confirma e oferta di deportacion den un post riba X, bisando cu El Salvador “a ofrece Merca e oportunidad pa outsource parti di su sistema di prison.”

Migracion ta e asunto top pa Rubio den su biahe door di Panama, El Salvador, Costa Rica, Guatemala y Republica Dominicana. Pero e tabata afecta pa otro cambionan cu administracion di Trump ta haciendo desde cu a inicia su cargo.

Rubio a bisa reporteronan na San Salvador cu awo e ta administrador activo di USAID, pero a delega e autoridad pues e no ta dirigiendo su operacionnan diario.

Den un carta cu Rubio a manda legisladornan, obteni pa AP, el a bisa cu Departamento di Estado lo traha cu Congreso “pa reorganisa y absorbe cierto bureau, oficina y mision di USAID.”

El a bisa cu e procesonan na e agencia, cu ta afecta pa e freeze di Trump riba tur asistencia exterior, no ta bon coordina cu y esey “ta mina e habilidad di e presidente pa ehecuta relacionnan internacional.”

“Den consulta cu Congreso, USAID por move, reorganisa y integra cierto mision, bureau y oficina den Departamento di Estado, y e resto di e Agencia por keda aboli consistente cu ley aplicable,” Rubio a skirbi.

Organisacion na Haiti ta afirma cu mas cu 50 hende a muri den un atake di gang

(DiarioLibre) - Un organizacion no gubernamental Haitiano a bisa diasabra cu por lo menos 50 persona a muri y mas di 100 cas a kima durante un atake di bandanan arma den e comuna di Kenscoff, situa den e seronan di Port-au-Prince.

Esaki a ser estableci den un informe preliminar di e Red Nacional pa Defensa di Derechonan Humano

(RNDDH), riba e masacre cometi dialuna pa individuanan fuertemente arma. “E rapport no a caba ainda, nos ta colectando dato ainda,” asina Marie Rosy Auguste Ducéna, gerente di programa pa e NGO aki, cu ta promove y defende derechonan humano na Haiti, a bisa. E atake tambe a causa cantidad di herido y a desplasa hende.

Segun testimonionan tuma pa EFE na Kenscoff, diaran-

son ultimo, por lo menos binti civil a muri durante e atake, mientras cu e vocero di polis, Michel-Ange Louis-Jeune, a informa medianan local di e morto di binti miembro di gangnan arma despues di a responde na e atake.

E gangnan arma a bin for di e comuna di Carrefour, na zuid di e capital, y a ataca varios localidad na Kenscoff, incluyendo Bellot, Goder y Le Montcel, na frontera cu e comuna di Petion-Ville, un teritorio cu nan kier tuma.

Algun hende a ser mata den nan cas. Otronan a ser mata mientras nan tabata traha den e cunucu di e comuna suburbano aki. Algun famia a perde te cu 12 di nan miembronan. Decenas di cas tambe a ser cendi na candela, EFE a informa.

Den un conferencia di pren-

sa diahuebs, prome minister Alix Didier Fils-Aimé a laga sa cu henter gobierno, como tambe polis, tabata na altura di loke ta bay pasa na Kenscoff.

“Nos tabata na altura di loke tabata bay pasa na Kenscoff. E servicionan di inteligencia di Polis Nacional Haitiano (PNH), Oficina di prome minister, ministerio di Interior y ministerio di Husticia a bisa nos cu lo bay tin un problema,” el a declara.

E hefe di gobierno a probecha e oportunidad pa rindi homenahe na e victimanan, recordando cu e mainta anterior el a delega na e minister nobo di Salubridad Publico e tarea di duna remedi y asistencia na esnan herida y hospitalisa.

Fils-Aimé tambe a enfatisa cu el a instrui ministerio di Interior pa manda yudansa

pa hendenan desplasa den e area.


“E compromiso di gobierno ta cla: Seguridad, seguridad pa tur Haitiano sin distincion”, segun e alto funcionario.

Prome minister, acompaña pa e ministernan di Husticia y Seguridad Publico, Colectividadnan Interior y Teritorial, y e Secretario di Estado pa Seguridad Publico, a bishita e sede di Polis Nacional Haitiano (PNH) diahuebs pa tene un reunion.

Gobierno a anuncia cu operacionnan di seguridad lo ser intensifica, cu accionnan specifico contra di e centro-nan di violencia, personal y ekipo adicional, y un coordinacion mas grandi entre HNP y Forsanan Arma di Haiti.



Jamaica: Controversia tocante testnan psicológico pa estudiante



(JamaicaObserver) - Un orden pa stop y desisti a ser sirbi na un consehero profesional basa den exterior cu tabata plania pa administra un cantidad di test di diagnostico mental na studiantenan di scol basico y secundario di 5 pa 25 di februari, despues cu preocupacionnan a ser lanta tocante su competencianan door di exper-tonan local.

Pero e e consehero profesional, Dr. Lisa Hall, ta bisa cu e no tin intencion di cancela su plannan. E iniciativa, cu ta encabesa pa e grupo di local Global Charity for All y St. Catherine Justices of the Peace (JP) Association, tabata pa mira Dr. Hall, ken nan a describi como un psicologo y psicoterapista di comunidad, ofrece testnan psicológico gratis pa scol primario y studiantenan di scol secundario den varios parokia durante e periodo.

E servicionan ey ta inclui entrevistanan clinico; examen-nan di estado mental; sub-testnan di vocabulario; sub-testnan di computacion; y e 'Bender visual-motor gestalt test', di dos edicion, cu ta duna un descripcion di funcionnan visual-perceptivo y motor, observacionnan general y di comportacion, entre otro.

Sinembargo, segun fuentenan di Jamaica Observer, e organo regulatorio, e Consejo pa Profesionnan Complementario na Medicina, basa riba e preocupacionnan lanta pa Sociedad Psicologico di Jamaica, a manda un carta pa Hall a indicando cu e tabata ser prohibi di haci cualkier test aki, mirando cu e no tabata cualifica pa realisa e proceduranan ey.

Hall su curriculum, di cual un copia a ser obteni pa e Jamaica Observer, ta bisa cu el a obtene un Master of Science den Psychology for di Capella University na 2014 y un

Doctorado di Filosofia den Research Psychology for di Walden University na 2022. Di acuerdo cu fuentenan di Observer, Hall tabata registra aki como un consehero profesional licencia a pesar di un licencia cu a ser emiti na dje aki cu ta clasific'e manera un psicologo. E fuentenan tambe a afirma cu e ausencia di cualkier evidencia di experiencia di practica of stage pa su master y doctorado a ser clasifica manera "red flag" door di e expertonan den e tereno aki.

"Su antecedente ta realmente trabou social; e ta un trahado social clinico pero e ta haciendo esaki pa años na Jamaica. Esaki solamente a bin na nos atencion pasobra nos ta dunando hopi mas atencion. Nos tabatin algun reto; no tin un persona cu por haci asina tanto cos y atende cu asina tanto mucha. Y kico ta pasa despues cu bo a atende cu nan?" un experto cu ken e corant a papia a cuestiona.

"Esey ta e retonan cu nos tin. Nos por ta pover pero tin un manera cu nos ta atende cu nos yiunan y zorg pa nan ser yuda, y no perhudica. E ta haciendo un cos noble pero e competencianan cu tin eynan lo no permitie haci mitar di loke e ta haciendo," e individuo a bisa, agregando cu Hall a haya un notificacion adecua pa permitie cancela su plannan.

Pero Hall, ora e Observer a puntr'e dialuna si e tabatin intencion di sigui cu su plan, a pesar di e controversia, el a bisa: "Si señora, si señora." "Mi no lo haci'e si mi no sa kico mi tabata haci. Si mi no tabata cualifica pa haci'e, lo mi no a haci'e. Tur nos testnan ta computarisa. Bo ta saca e informacion for di e yiu y e mayor, bo ta documenta esaki y hink'e den e sistema, y e ta duna bo e resultadonan. Si, bo mester tin un diploma y si, bo mester tin e training, pero tur e testnan ta computarisa," el a insisti.

"Bisa nan stop di ta un hater. Nan no mester preocupa cu kico mi ta cualifica pa haci. Bin sinta cerca mi y wak kico mi ta haciendo. Awor, no compronde mi robes, mi no ta bisando cu mi por djis bin Jamaica y haci loke mi kier haci," el a bisa.

Ecuador: Presidente conservador ta anuncia tarifa riba exportacion Mexicano

(AP) — Presidente conservador di Ecuador a bisa dialuna cu e ta aumentando tarifa riba importacion for di Mexico den un movida similar na e bareranan comercial cu presidente Mericano, Donald Trump a anuncia – pero despues a pausa – contra Mexico.

Presidente Ecuatoriano, Daniel Noboa a bisa dialuna cu e tarifa di 27% cu ta bay aplica riba productonan Mexicano tabatin meta pa reforsa fabricantenan local. Pero e lider conservador tambe por ta buscando fabor cu Washington, unda administracion di Trump a bisa diasabra cu lo impone su propio tarifa di 25% riba Mexico.

Trump y presidente Mexicano, Claudia Sheinbaum a

anuncia dialuna cu lo stop e tarifanan pa awo, pa duna e dos banda mas tempo pa negocia. Trump a exige pa Mexico haci mas pa stop inmigracion ilegal y trafico di fentanil door di e frontera.

Noboa, cu a tuma tempo durante un campaña di reeleccion pa atende inauguracion di Trump luna pasa na Washington, a elogia e victoria di Trump como un victoria pa America Latino.

Anuncio di Ecuador ta yega memey di e disputa diplomatico separa y duro di e pais Sur Americano cu Mexico, cu aña pasa a kibra lasonan diplomatico despues cu polis Ecuatoriano a kibra drenta Embahada Mexicano pa aresta ex-vice-presidente di Ecuador, Jorge Glas.

E movida di Ecuador a ricibi condena amplio como un violacion di ley internacional, mientras Ecuador a bisa cu Glas tabata busca pa fraude y no pa motibonan politico y a acusa Mexico di otorg'e asilo politico ilegitimamente na e sede diplomatico.

Comercio entre e dos pais ta minimo, sinembargo, contando pa menos cu 1 por-ciento di exportacion total di Mexico, segun datonan di Banco Central Mexicano.

Noboa, heredero di un fortuna di bacoba, ta participando den eleccion diadomingo pa su prome termino constitucional completo despues di su eleccion apenas 18 luna pasa pa completa e mandato aborta di ex-presidente Guillermo Lasso.

LUNA DI LOCURA!

CUMpra 2 LOTTO 5 Y HAYA 1 LOTTO 5 LOCO GRATIS

CON PA HUNGA?

CU CADA COMPRA DI 2 LOTTO 5 RIBA E MESUN TICKET, BO TA RICIBI 1 LOTTO 5 LOCO EXTRA COMPLETAMENTE GRATIS. Ariba E MESUN TICKET. MAS BO CUMpra, MAS TICKET LOCO GRATIS BO LO RICIBI!

CAMPAÑA TA VALIDO TE CU 28 DI FEBRUARI

Apesar di Beyoncé, Sabrina Carpenter y Kendrick Lamar, ratings di e Grammys ta cay

(AP)—Ratings di e Grammy Awards a cay desde aña pasa, apesar di tension si Beyoncé lo gana album di aña pa prome biaha y un apariencia sorpresa pa The Weeknd. E emision diadomingo anochi riba CBS a ser sintonisa pa 15.4 miyon espectador segun Nielsen. Esey ta representa un caida for di 2024, cual a ser sintonisa pa 16.9 miyon hende, un aumento di 34% compara cu e aña anterior.

E cifranan te awor ta conta solamente pa espectadornan riba CBS. E emision tambe tabata disponible riba streaming pa esnan cu a cumpra un pakete di Paramount+ cu Showtime. Debi na e incendio forestal luna pasa na Los Angeles, e ceremonia di Grammys a frena nan esfuerso



sonan di marketing prome cu e ceremonia y a cancela algun evento prome cu e Grammy.

E show di tres ora—cu Trevor Noah un bes mas anfitri-

onando—a tuma luga den un Los Angeles cu ainda ta recuperando for di e incendio forestal y a celebra e artistanan mas popular di e ultimo aña, cu presentacionnan pa Billie

Eilish, Chappell Roan, Sabrina Carpenter y Charli xcx.

E show a recauda casi 9 miyon dollar pa esfuersonan di alivio pa e incendio forestal. Kendrick Lama a gana cantica

y disco di aña cu su diss track “Not Like Us,” tumando cas dos di e premionan mas prestigioso di e anochi, y Shakira a gana album di pop Latino pa “Las Mujeres Ya No Lloran.”

Mas di 10 caso legal ta spera di encontra Diddy den e proximo dianan, segun abogado

(BBC) - Rapper Sean “Diddy” Combs ta spera di enfrenta mas cu 10 caso civil nobo den e siguiente dianan, segun un abogado cu ta representa un decena di acusado.

E anuncio di Tony Buzbee a sali mientras el a cuminsa un otro caso legal na New York den nomber di un homber anonimo, cu ta bisa cu el a ser agredi pa e musico na 2015.



E demanda ta constata cu e acusado, un homber di 23 aña, tabata na un evento cu Combs a asisti, y despues a ser droga na un afterparty y agredi pa Combs.

Abogado di Combs a desmenti e acusacion en contra di dj’e—cu ta inclui drogamento, agresion y violacion sexual. Tambe e rapper ta enfrenta cargo federal di crimen organisa y trafico di sexo, di cual e ta bisa cu e no ta culpabel.

“Sr. Combs y su ekipo legal tin confiansa total den e berdad y integridad di e proceso hudicial,” e abogado a bisa durante un declaracion pa BBC riba e caso. “Den corte, e berdad lo prevalece: cu Sr. Combs nunca a agredi ni trafica ningun hende—homber of muher, adulto of menor.”

Buzbee, ken ta basa na Texas, a tuma un rol importante den varios caso contra Combs durante e añanan cu a pasa, incluyendo un cu a nombra Jay-Z como defendiente.

Buzbee a declara cu e ta planea pa cuminsa mas cu 10 caso den e proximo 7 pa 10 dia, esta cu un deadline ta yegando na 1 di maart na New York—e ultimo dia di un ley cu ta permiti victimanan di agresion sexual pasa pa cuminsa demanda civil.

E demanda nobo ta referi na 2015 ora e demandante a haya un oportunidad pa toca na un nightclub den e area di Los Angeles, caminda Combs tabata presente.

Un acosiado di Combs a in-

forma e acusado cu e rapper a scucha su talento y cu e lo bin wak e show. El a wordo informa cu si e presenta bon, Combs porta lo ta interesa den un negociacion cu Bad Boy Records, un label musical cu e rapper a funda na 1993.

Despues di locual e acusado a kere tabata un “presentacion excelente”, el a ser invita pa un afterparty, caminda e seccion VIP tabata contene “yen di boter di vodka y ciroc di Combs,” y tambe “substancianan manera marihuana, cocaína, y ecstasy,” segun e demanda.

Un acosiado di Combs a duna e acusado un bebida, indicando cu e ta bin di Combs. Despues di a bebe, e acusado “a sinti hopi marea di biaha” y a realiza cu el a ser droga. El a perde consenshi.

E demanda ta bisa cu mientras e tabata for di tino, el a observa Combs y su grupo participando den “actividadnan sexual den grupo” cu otro hende cu tambe tabata “droga, sin consenshi, of manera nan ta escolta paga.”

El a describi cu el a wak y a ser agredi pa Combs, segun e demanda. Ora el a lanta back, e seguridad di Combs a interveni y e rapper a menasa pa dañu su carera, segun e demanda.

Combs ta enfrenta mas cu 30 demanda civil cu ta acus’e di agresion sexual y mal conducta. E ta den prison actualmente na New York, wardando un huicio criminal federal ariba su trafico di sexo y criman organisa.

sentoo

Negoshinan sabi ta scoce pagonan mas sabi.

Porta nos ta loco, pero nos ta kere cu pagonan no mester costa comerciantenan hopi placa. Ta pesei banconan local ta partner cu Sentoo pa trese pagonan pagabel pa Aruba, cu tarificanan di transaccion abou na 1%, limita na \$1.50. Sea bo ta vende producto of duna servicio, nos tin diferente opcionnan di pago — for di link y QR code te na integracionnan di website y plataforma. Tur hende cu tin un cuenta na un banco participante por uza Sentoo pa haci pagonan. Haya pago directamente ariba bo cuenta di banco local — facil y pagabel!


Inscribi awe mes! Bishita join.sentoo.io

Disponibel cu siguiente banconan:

Arubabank

BANCO DI CARIBE

CMB
CARIBBEAN MERCANTILE BANK





Demanda ta acusa autor di ciencia-ficcion Neil Gaiman di abuso sexual



(AP) — Un muhe di New Zealand a entrega tres demanda civil acusando autor best-selling Britanico, Neil Gaiman di abusa sexualmente di dje repetidamente mientras e tabata traha como babysitter y nanny di su famia.

Scarlett Pavlovich a entrega e demandanan — un contra Gaiman y su esposa, Amanda Palmer, y dos mas contra Palmer — den corte federal na Wisconsin, Massachusetts y New York dialuna.

AP no ta identifica hende cu ta bisa nan tabata victima di abuso sexual a menos cu nan identifica nan mes publicamente. Pavlovich a identifica su mes den un entrevista cu New York Magazine, cu a publica un articulo na januari detayando acusacion di abuso, atake y coercion contra ocho muhe.

Pavlovich ta alega den e demandanan cu e no tabatin hogar y tabata bibando riba un beach ora el a conoce Palmer na Auckland, New Zealand na 2020. Pavlovich tabatin 22 aña di edad e tempo ey.

Segun e demandanan, Palmer a invita Pavlovich na cas di e pareha na Waiheke Island. Pavlovich a cuminsa haci respondendi pa e pareha, cuidando nan yiu homber y yudando cu

tareanan di cas, eventualmente convirtiendo den nanny di e pareha.

Gaiman a abusa sexualmente di dje pa prome biaha riba e anochi cu nan a conoce otro na februari 2022, segun e demandanan. E abuso a continua pero el a sigui traha cu e pareha pasobra e no tabatin placa ni hogar, y Gaiman a bis'e cu e lo yud'e cu su carera como escritor, segun e demandanan.

Ora el a bisa Palmer di e abuso, Palmer a bis'e cu mas di un decena di hende a bis'e den pasado cu Gaiman a abusa sexualmente di nan, segun e demandanan.

E abuso no a stop te ora Pavlovich a bisa Palmer cu e ta bay mata su mes, e demanda ta bisa. El a bandona e famia y a keda sin cas atrobe, maske e documentonan a bisa cu Gaiman eventualmente a pag'e pa su trabao cuidando yiu homber di e pareha y a yud'e paga huur pa algun luna.

Palmer tabata sa di deseonan sexual di Gaiman y a presenta Pavlovich na dje sabiendo cu e lo abusa di dje, segun e demandanan. Pavlovich ta alega cu Gaiman y Palmer a viola prohibicionnan federal di trafico humano y ta busca al menos \$7 miyon den daños.

Despues di publicacion di e articulo di New York Magazine, Gaiman a publica un declaracion na januari rechasando cu el a haci sex sin permiso. E acusacionnan di cuatro di e muhenan anteriormente tabata publica na juli den un podcast di Tortoise Media.

“Mi ta leu di ta un persona perfecto, pero mi nunca a haci actividad sexual sin permiso cu niun hende. Nunca,” Gaiman a post riba e plataforma di red social, Tumblr.

Representantenan di Gaiman y Palmer no a responde inmediatamente na solicitud pa comentario dialuna, y registran di corte no a lista abogado representando nan den e demandanan. Abogadonan di Pavlovich a declara den e documentonan cu Gaiman, autor di bestseller manera “Coraline” y “The Sandman” ta un residente na Menominee, Wisconsin. Pero nan no ta sigur si Palmer ta biba na Massachusetts of New York.

Pavlovich a bisa New York Magazine cu el a entrega un keho cerca polis prome na januari 2023 acusando Gaiman di abuso sexual. Polis no a confirma si Gaiman tabata bao investigacion.

Gaiman a traha cu diferente editor durante añanan. Dos di nan, HarperCollins y W.W. Norton a bisa cu nan no tin plan pa publica su bukinan den futuro. Otronan, incluyendo Bloomsbury, te awa a nenga di duna comentario.

Dark Horse Comics a anuncia na januari cu ya no ta bay publica su serie ilustra basa riba novela di Gaiman, “Anansi Boys.” E di siete di ocho edicion a keda publica anteriormente e luna ey.

Disney a pausa un adaptacion planea di “The Graveyard Book” di Gaiman, mientras Netflix ainda ta programa pa lansa e di dos temporada basa riba “The Sandman.”



Februari 3

IDEA lo cubri diferente topico, treci dilanti pa diferente voznan na nos pais. Eventonan, Moda, Politica, Opinion y mas.

No biba frustra!

Mi kier pone atencion na un “movimiento negativo” cu nos mester atende cune di biaha. E mentalidad amarga of frustra. E pensamentonan negativo cu nos mester transforma den positividad. E forma di expresa cu no ta yuda niun hende, sino mas bien ta perhudica. Mi ta spera cu algun tips y IDEA nos por sigui crece y sigui inspira otro. Spera boso enjoy esaki y e yuda den un forma of otro pa nos keda optimista.

Den mi opinion e cos mas negativo ta un persona cu un mentalidad frustra. Nada nunca ta bon, tur cos ta fout y semper e ta keha. CAMBIA BO BIDA! Un actitud asina nunca lo yega na un bida alegre y den balans. Nos pensamentonan y forma di expresa ta forma con nos ta biba y con nos ta mira bida. Factornan super importante pa un bon bida. Algo cu nos mester enfoca ariba cada dia pa nos mentalidad bira mas optimista.

Porta facil pa bisa, pero mi ta sigur cu si un persona dicidi di cambia su forma di pensa, full su bida lo cambia. Nos pensamentonan, e manera cu nos ta mira bida, e manera cu nos ta mira nos mes den spiel ta haci un diferencia gigantesco. E ta transforma tur otro aspecto di bida en general. Nos por tin dia menos bon, esey ta normal, pero ta importante pa nos “lift up” y haci e siguiente dia uno mihor.

Prome cu mi continua mi mester remarca cu e actitud frustra of amarga ta hopi “alien” pa mi. For di un

edad hopi jong, alegria ta algo masha natural pa ami. Mi forma di pensa, mi optimismo, e manera cu mi ta trata otronan y e forma di mira bida en general ta algo cu semper mi a considera un di mi fortalezanan. Pa e motibo aki hopi biaha mi no ta compronde hende cu tin un bista negativo ariba tur cos.

OK! Enough said. Ban cuminsa cambia e forma di pensa. Mira rond den BO BIDA, mester tin cosnan cu ta yena bo cu gratitud. Famia, amigonan, un trabao bon haci, un buki interesante, un parharito cu ta canta mainta, en fin... MESTER tin cosnan cu ta haci bo alegre. BUSCA NAN!!!! Asina bo ta cuminsa enfoca bo atencion ariba puntonan cu ta haci bo contento, cu ta yena bo cu gratitud pa bida. Poco poco bo ta cuminsa mira mas cos bunita, aprecia bida mas, mira mas hende cu bon curazon y asina dia pa dia transforma e negativo den positivo. Corda cu mas bon bo pensa, mas bon bo trata bo mes y otronan, mas bon bo mira bida....mas cos bon ta bin bo caminda. It's as simple as that.

Si, hende por purba perturba bo paz. NO LAGANAN. It's as simple as that. Bo ta desahoy un filter cu ta anti negativismo. Bo por! E ta tuma practica pero poco pa poco bo ta bay mira e cambianan tuma lugar. Corda semper cu bo Felicidad no ta depende di otronan, e ta depende di ABO! Cuminsa biba mas feliz y cu mas gratitud. Sin gratitud no tin Felicidad.

Un IDEA pa pensa ariba. Si bo tin un comentario of kier trece algo dilanti manda nos un email na bondia.aruba@gmail.com

Deadline di transferencia: PSV, Ajax y Feyenoord ta cera acuerdonan prome cu deadline

(NLTimes)—Ayer tabata e ultimo dia di haci transferencia den e division mas halto di futbol Hulandes, Eredivisie. Esaki ta nifica cu esaki ta e ultimo dia cu hungadornan por ser cumpra y den mayoria caso, bendi, pa clubnan Hulandes. E ultimo par dianan a resultado den tur equipo prestigioso den e pais tumando movidanan, cu algun ainda buscando pa firma dentro di e ultimo oranan prome cu mey anochi ayera.

Feyenoord

E acuerdo cu lo tin e efecto mas grandi den e Eredivisie a bin for di Feyenoord. E Rotterdammers a bende nan delantero strea Santiago Gimenez pa equipo Italiano AC Milan pa supuestamente 42 milyon euro. E delantero Mexicano a hinca 19 gol den e mesun cantidad di wega. Esaki ta inclui cinco gol den e Champions League di UEFA, un contribucion vital pa su banda avansando pa e ronda di eliminacion den e competencia.

E Rotterdammers a haci un firmamento laat di Oussama Targhalline for di e equipo Frances Le Havre pa solamente bao 1 milyon euro. E club tambe a haci un oferta di 15 milyon euro pa e equi-



po Danes Nordsjaelland pa e puntero, Sindre Walle Egeli. Pero e oferta a ser rechasa como cu e bentana di cera acuerdo a cera caba na Dinamarca y p'esey e equipo no lo por a cumpra un reemplasante.

Ajax

E ultimo dianan tabata druk pa Ajax. E equipo di Francesco Farioli a tuma un avansa enorme den e careda titular di Eredivisie diadomingo por medio di derota Feyenoord, y e club tambe ta druk den e bentana di transferencia.

E amsterdammers a bende

ocho hungador te awo den e bentana. Chuba Akpom y Diant Ramaj a sali for di e club den e ultimo par dia, Akpom a uni cu OSC Lille riba prestamo, mientras cu Ramaj a move bay pa Borussia Dortmund cu un balor di cuatro milyon euro. Ademá, Benjamin Tahirovic a ser bendi pa club Danes, Brøndby IF, pa 2.75 milyon euro, y Naci Unuvar a sali for di e club pa dreña FC Twente libremente.

Ajax a anuncia e firmamento di puntero di Go Ahead Eagles, Oliver Edvardsen, pa

tres milyon euro diasabra y ta cerca di completa e transferencia di mediocampista Lucas Rosa for di e equipo Spano Real Valladolid. Ta anticipa cu e suma lo ta aproximadamente tres milyon euro cu 500,000 euro den posible agregacionnan.

PSV

E equipo di Eindhoven a logra un beneficio grandi den e bentana aki te awor, y ta buscando un firmamento pa delanteronan den e ultimo oranan. E Eindhovenaren a gana 24 milyon euro den total por medio di bende Hirving

Lozano, Matteo Dams, y Joel Ndala y ta purbando di firma un delantero cu e placa ey. Un acuerdo pa firma puntero di Lazio, Loum Tchaoua, supuestamente a cancela pasobra gerente di Lazio kier a keda cu e hungador. Reportahenan ta bisa cu awor nan tin bista riba puntero di FC Utrecht, Noah Ohio.

Esaki no ta e acuerdo cu PSV a purba finalisa riba dia di deadline como cu lidernan di liga ta cerca di confirma e adkision di ex-mediocampista di Feyenoord, Tyrell Malacia, for di Manchester United. E acuerdo lo supuestamente ta riba prestamo.

FC Twente

E bentana di transferencia ta un storia familiar pa FC Twente. Apesar di e hecho cu e equipo di Enschede a gara un victoria dramático un siman pasa pa avansa den e Liga Europeo, esaki ta un storia di bende hungador en bes di firma nan e bentana aki. Esun mas recien tabata mediocampista Anass Salah-Edine, ken a uni cu AS Roma pa ocho milyon euro riba dia di deadline. Esaki a bin despues cu e club ya a bende Youri REgeer, y Mitchell van Bergen den e bentana. E Tukker a firma Taylor Booth for di FC Utrecht como reemplasante.

Kickboxer Badr Hari deteni na Amsterdam riba sospecho di asalta ex pareha

(NLTimes)—Kickboxer Badr Hari a ser deteni na Amsterdam diadomingo riba sospecho di asalta su ex-pareha. E bringador ta kedando den custodia mientras polis ta investiga e caso.

Polis di Amsterdam a confirma cu e residente di Amsterdam di 40 aña a ser deteni den conexion cu un asalto. "E reportahe di e asalto a dreña diadomingo," segun un vocero policial. E detencion no a ser haci durante e acto, y no a revela mas detaye tocante e caso.

Hari tabata involvi den varios incidente violento den pasado. Su condena mas notable tabata pa e asalto di empresario Koen Everink na 2012. Durante e evento di Sensation White den e Amsterdam Arena, Hari a bati Everink



den un skybox. Segun e Instituto Forensico Hulandes, e forza di e golpi- y scopnan tabata comparable cu e golpi di un cabay of accidente di auto.

Na 2017, Hari a ser sentencia cu dos aña den prizon, cu dies luna suspendi.

Durante e caso di Everink,

acusacion di violencia contra ex-pareha di Hari, Rosa, a ser treci dilanti den corte. Aunke Rosa mes no a entrega keho, mensahenan cu

el a manda pa un amigo a ser usa como evidencia. "Badr a bira loco," un di su mensahe a bisa. "El a perde control. Mi ta ful blousa. Lo ta un tempo largo prome cu mi bisti bikini atrobe. Mi tin un hersenschudding y e cas ta na werki." Ultimamente Hari a ser absolvi di e acusacionnan aki.

Durante e ultimo añanan, Hari a gara atencion principalmente pa su peleanan di kickboxing. El a bringa contra Rico Verhoeven den peleanan di perfil halto na 2016 y 2019, perdiendo ambos pelea. "E rivalidad entre Badr y ami ta echt pone kickboxing y Glory den atencion publico," Verhoeven a bisa. "Tur hende kier mira esaki, for di fanaticonan di e deporta pa hasta hende cu normalmente no ta sigui kickboxing."

Simona Halep ta anuncia su retiro despues di 2 Grand Slam y regreso di un suspension

(AP) - Campeon di 2 Grand Slam Simona Halep a anuncia su retiro di tennis cu 33 ana despues di un derota den prome ronda di un torneo na su pais natal Romania riba diamars, cabando un regreso di suspension pa doping yen di lesion.

“Mi no sa si ta cu tristesa of felicidad - mi ta kere mi ta sintiendo ambos - pero mi alma ta sinti pas cu e decision aki y semper mi tabata realistico cu mi mes. Mi culpa no por wanta mesun hopi cu antes, pa mi yega unda mi tabata un tempo,” Halep a bisa, usando un microphone pa dirigi su mes na e audiencia na Cluj, Romania, despues di su perdida 6-1, 6-1 contra Lucia Bronzetti den Transylvania Open.

“E ta hopi dificil pa yega e nivel ey y mi sa kico e ta tuma pa yega ey,” Halep a bisa. “Esaki ta e motibo dicon mi kier a ta aki awe, na Cluj, pa hunga dilanti boso tur y bisa ayo den tennis, hasta si mi resultado no tabata bon.”

E ta e prome wega den e aña pa Halep, ken a yega posicion number 1 di ranking di WTA pa prome biaha den



2016 pero awo ta den posicion number 870 y a ser duna un invitacion ‘wild card’ pa hunga na Romania.

El a sali for di clasificatoria pa Australian Open y un torneo na Auckland, New Zealand, luna pasa a causa di dolor na su schouder y rudia, e interrupcion mas recien na su carera.

Halep un tempo tabata na punto mas halto di tennis femenino, ganando trofeonan mas grandi na Wimbledon den 2019 pa medio di gana contra Serena Williams den e final y na French Open den 2019 ganando contra Sloane Stephens den e final.

Tambe e tabata runner-up 3 biaha na torneonan di Grand

Slam - na Austrlian Open den 2018 y French Open den 2014 y 2017.

Sinembargo su ultimo wega na un evento grandi a bini den 2022 na U.S Open. Ey ta unda Halep a perde e prome ronda contra Daria Snigur di Ucrania 6-2, 0-6, 6-4 y a test positivo pa e droga prohibi Roxadustat.

Roxadustat a keda aproba pa uso den Union Europeo den 2021 pa trata sintomanan di anemia causa pa problema cronico di higr. E ta stimula e curpa pa produci mas di e hormona natural yama erythropoietin, of EPO, cual tin hopi tempo como un producto di doping cu ta favorece esnan cu ta core distancia largo of ciclistanan pa



augmenta nan stamina.

Halep inicialmente a ser duna un suspension di 4 aña cu lo a caduca den 2026. Sinembargo el a apela y Corte di Arbitrahe pa Deporte a reduci e castigo na 9 luna den maart di 2024.

El a argumenta cu el a ser exponi na un suplemento contaminado cu a causa cu e no a haal e test. CAS a determina cu Halep tabatin “un cierto nivel di culpa of negligencia” pa no eherce “suficiente cuidu” ora e tabata usando e suplemento, pero “no tabata carga ningun falta of negligencia significante.” Esaki ta e motibo dicon, segun CAS, “su violacion di e reglanan anti-doping no tabata intencional.”



Trump lo bira prome presidente na mando cu lo ta presente na Super Bowl



(AP) - Donald Trump lo ta presente na Super Bowl cu lo tuma luga na New Orleans diadomingo, bibrando e prome presidente actual cu lo haci esaki.

U.S Secret Service, cual ta responsabel pa e proteccion di e presidente, a bisa den un declaracion diamars cu e tin empleadonan preparando pa su bishita. Trump lo mira Kansas City Chiefs hunga contra Philadelphia Eagles.

“Plan y coordinacion extenso ta na luga pa garantis e segu-

ridad di tur e audiencia, hungadonan y empleadonan,” Secret Service su vocero Anthony Guglielmi a informa den un declaracion. “Medidanen di seguridad a ser aumenta e aña aki, mirando cu esaki lo marca e prome biaha cu un Presidente di Merca den mando lo atende e evento.

Fanaticonan cu lo ta presente na e wega por anticipa mas informacion den e dianan binidero tocante kico lo anticipa tocante e checkpointnan di seguridad, segun el a bisa.

Trump tambe tin plan di acepta entrevista di Fox News su Bret Baier como parti di e canal su programa prome cu e show cual lo ser graba na Florida prome cu e wega. Presidentenan tradicionalmente ta duna un entrevista na e canal cu lo televisa e wega, aunke ambos Trump y ex president Joe Biden, tabata inconsistente den nan par-

ticipacion.

Trump, un persona di New York cu awo ta yama Florida su cas, no a indica cua ekipo e ta sostene. Diamars na e cas Blanco, Trump a nenga

duna contesta di un reportero pronosticando ken lo ta e ganador di e wega. “Mi no kier bisa, pero tin un cierto hungado cu ta un bon ganado,” Trump a bisa, dunando impresion cu e ta referi na

Chief’s su hungado Patrick Mahomes.

Trump a publica un pabien na Chiefs despues di nan victoria na campeonato di AFC luna pasa.



Australia ta prohibi DeepSeek riba dispositivo di gobierno citando preocupacionnan di seguridad

(Reuters) - Australia a prohibi DeepSeek for di tur dispositivo di gobierno a causa di preocupacion cu e compania di inteligencia artificial Chines ta posee riesgonan na e seguridad, segun e gobierno a bisa diamars.

Secretario di Departamento di Interior a publica un direccion obligatorio na tur entidad gubernamental pa "preveni e uso of instalacion

di productonan di DeepSeek, aplicacionnan of servicicionan y unda ser haya, pa kita tur existencia di productonan di DeepSeek for di tur sistema di gobierno y dispositivo," e declaracion a bisa.

Minister di Interior Tony Burke a bisa cu DeepSeek ta posee un "riesgo inaceptabel" na tecnologia di gobierno y e prohibicion inmediato ta pa "proteha Australia su seguridad nacional y interes nacio-

nal," varios outlet di media di Australia a reporta diamars atardi.

E prohibicion aki no ta extende na e dispositivo di ciudadanonan priva.

Mundialmente e prijs den mercado a cay despues di e lansamento di DeepSeek luna pasa - cual aparentemente a costa un fraccion di loke e modelnan di AI rival a costa y rekeriendo chip menos so-



fistica - a trece preocupacion tocante West su inversion- nan grandi den creadorinan di chip y centronan di data.

China ta anuncia medida contra Google y otro firmanan di Merca mientras tensionnan di mercado ta escala

(Reuters) - China a anuncia un rango amplio di medida diamars contra negoshinan Mericano incluyendo Google, creadorinan di ekipo di agricultura y doño di marca Calvin Klein, minuutnan despues cu e tarifanan nobo di productonan Chines a drenta den efecto.

Beijing tambe a pone tarifa riba productonan Mericano manera carbon, petroleo y algun auto den un respuesta rapido na e tarifanan nobo riba e articulonan Chines cu President Donald Trump a impone, escalando e tensionnan di mercado entre e dos economia mas grandi na mundo.

China su State Administration for Market Regulation a bisa cu Google ta anticipa di a viola e pais su leynan contra monopolio y un investigacion a keda inicia di acuerdo



cu ley. No a provee mas detaye tocante e investigacion ni tampoco kico ta acusa cu Google a haci especificamente cu a kibra e ley.

Productonan di Google manera su search engine ta blokia na China y su ganashi na e pais ta 1% di su benta global. E ta traha ainda si cu partnernan Chines manera promotornan.

Den 2017, Google a anuncia e lansamento di un centro di

inteligencia artificial na China. Sinembargo a disolve e proyecto dos aña despues y e firma no ta haci investigacion di AI na China segun publicacion. Por separa, Cina su ministerio di Comercio a bisa cu el a pone PVH Corp, cual ta dono di marcanan manera Calvin Klein y Tommy Hilfiger, riba su lista di "entidadnan cu no ta confiabel."

E ta bisa cu dos compania a tuma loke e ta yama "medidanan discriminatorio con-

tra empresanan Chines" y a "daña" e derechonan legitimo y interes di e companianan Chines.

Companianan agrega na e blacklist por ser suheta na boetnan y rango amplio di otro sancionnan, incluyendo un pausa riba mercado y revoca e permisionan di trabao pa empleadonan di exterior.

Mientras cu Google a nenga duna comentario, PVH a bisa cu e tabata un "sorpresa y ta profundamente desapunta" pa e ministerio su decision, bisando cu e compania ta mantene "cumplimento estricto pa cumplimento di tur ley relevante y regulacionnan y ta opera di acuerdo na e standardnan di e industria estableci y practicanan."

PVH a agrega cu e lo sigui traha cu autoridadnan relevante y anticipa un resolucion positivo.

Illumina no a responde na un peticion pa comentario.

Bienes di ambos PVH y Illumina a baha cu 4% na Merca, mientras cu Google su Alphabet a aumenta cu 1%.

PVH ya caba tabata bao critica di reguladornan Chines a causa di conducta "inapropia" reaciona cu e region Xinjiang. "E movidanan aki ta advertencianan cu China tin intencion di causa daño na e interesnan Mericano si bira necesario, pero toch ta duna China e opcion di dal un paso atras," Capital Economics a bisa den un nota.

"E tarifanan por keda posponi of cancela prome cu nan drenta den efecto. E investigacion den contra di Google por conclui sin castigo algun."

Elon Musk y OpenAI lo enfrenta otro den corte

(Reuters) - Abogadonan di Elon Musk y ChatGPT su creador OpenAI lo enfrenta otro den corte awe mientras hues lo tende argumento den Musk su demanda pa para e conversion di OpenAI na un entidad pa gana placa.

Musk su peticion pa blokia OpenAI su conversion ta e movida mas recien den un pelea entre e persona mas rico na mundo y OpenAI su CEO Sam Altman cu ta desaroyando publicamente.

Musk a co-funda OpenAI cu Altman den 2015, pero a sali di e compania prome cu esaki a hala atencion y consecuent-



emente a funda e competencia xAI den 2023.

OpenAI awo ta purbando di transiciona for di un compa-

nia sin e intencion di genera ganashi na un compania cu si tin e intencion aki, cual e ta bisa e tin mester pa por garantisa e placa rekeri pa de-

saroya e miho modelnan di inteligencia artificial.

Aña pasa, Musk a entrega un demanda contra Altman y OpenAI bisando cu e fundadornan di OpenAI originalmente a acerca su persona pa un compania enfoca riba desaroya AI pa beneficia humanidad, pero cu awo esaki ta enfoca riba placa.

Den respuesta na Musk su demanda, OpenAI a bisa cu e lo tuma accion pa anula Musk su acusacionnan y cu Musk mester "ta compitiendo den mercado na luga di den corte."

Loke ta den riesgo pa OpenAI

su transicion corporativo awo ta mas ainda, mirando cu e ultimo ronda di recaudacion di fondo di OpenAI a genera te hasta 6.6 biyon dollar y un ronda nobo di te hasta 25 biyon dollar ta bao dialogo cu SoftBank, sinembargo tur esaki ta bao condicion cu e compania lo restructura pa e transicion aki.

E restructuracion aki generalmente ta poco comun, segun Rose Chan Loui, director ehecutivo di UCLA Law Center for Philanthropy and Nonprofits. Conversionnan di e tipo aki historicamente a ser mira den organisacionnan manera hospital y no companianan manera esun aki.

Accidente entre Ford Fusion y Honda na Jan Flemming

Diadomingo atardi a drenta informe di un accidente na Jan Flemming banda di ex-Rudsehn, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda e chauffeur di un Ford Fusion a bay subi caminda net ora cu un Honda ta biniendo di nort y bira bay pariba y nan a dal den otro. Afortunadamente ningun hende a resulta herida.



Chauffeur a drenta mondi bay laga auto atras na Bubali

Dialuna mainta a drenta informe di cu tin un auto cu lo a drenta mondi na Bubali, mesora a dirigi un patruya na e sitio.

Na yegada di e patruya a bin encontra cu e Kia Sorento hinca parcialmente den e matanan na Bubali. E vehiculo tabata sin chauffeur, aki lo ta trata di un chauffeur cu lo a perde control y drenta den e mondi.



Dama a dal abao kap su cabes banda di Unicon San Nicolas

Diadomingo atardi a drenta informe di cu un dama a dal abao kap cabes banda di Unicon na San Nicolas, mesora a dirigi un ambulans na e sitio.

Na yegada di e ambulans na e sitio. Na yegada di e ambulans a atende e dama cu tabata fuera di conocimiento. Nan a atend'e y transport'e mesora pa Centro Medico.



Damita herida a yega na un cas na Angochi



Ladronnan a kibra drenta auto patras di cas y a horta for di den dje

Dialuna madruga a drenta informe di un caso di kiebri y ladroncia for di un auto den un cura patras di cas na Washington, mesora a dirigi un patruya na e sitio.

Na yegada di e patruya a bin compronde cu desconocidonan a kibra drenta horta den e auto patras di e cas. Polis a tuma keho y ta investigando e caso aki.



Dialuna madruga a drenta informe di cu un damita hoben a yega na un cas na Angochi cu un cara hincha, mesora a dirigi tanto polis como ambulans na e sitio.

Na yegada di e patruya no

por a compronde mucho cla kico a pasa pero tur cos ta indica cu lo ta un pleito lo a tuma lugar y e damita aki lo a resulta herida. Na yegada di e ambulans nan a atende e damita y a transport'e pa hospital.

Accidente di cadena entre 3 auto na e rotonde di Cumana



Dialuna mainta a drenta informe di un accidente na e rotonde di Cumana, mesora a dirigi un patruya na e sitio.

Na yegada di e patruya a bin compronde cu aki ta trata di un accidente di cadena entre 3 auto unda un Nissan March no a regula su velocidad ni a mantene distancia a bay dal tras di un Toyota Yaris bieu y consecutivamente esaki a



bay dal tras di e Toyota Yaris gun hende a resulta herida. nobo. Afortunadamente nin-

Baki sushi grandi cendi na candela banda di Stichting Rancho

Dialuna mainta a drenta informe di cu tin un baki sushi na candela den Vistraat, mesora a dirigi un unidad di bombero na e sitio.

Na yegada di e unidad nan a bin ripara cu aki ta trata di un baki grandi di sushi yena cu palo mesora a inicia di cu e combate y alabes a pidi presencia di un patruya pa desvia e trafico. Bomberonan a habri un hydrant pa e suministro di awa. Ora a habri e



suministro di awa pa un rato e awa a sali oranje dunando e impresion cu e hydrant aki pa un gran temporada no a

ser habri mes. Despues di un rato bomberonan a caba di domina y paga e candela por completo.



Chauffeur a dal na e acera perde control bay dal semi-frontal cu auto contrario

Dialuna mainta a drenta informe di un accidente cu hende herida banda di Weng Kee na Piedra Plat, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda e chauffeur a dal cu e auto na e acera, perde control y bay otro banda di caminda dal semi-frontal cu e auto contrario. Debi



na e impacto e chauffeur a resulta herida. Na yegada di e ambulans nan a atend'e y un

mucha cu tabata cune. Nan a transporta ambos pa hospital.



Chauffeur di pick-up a bay dal tras di un Jeep y chauffeur di Jeep a resulta herida

Dialuna mainta a drenta informe di un accidente cu hende herida na Avenida Milio Croes, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda cu e chauffeur di e pick-up no a regula su velocidad ni a mantene distancia a bay dal

tras di e Jeep a consecuencia di e impacto aki un personal di ambulans a bin revisa e chauffeur di e Jeep.



Polis y ambulans a bay pa un homber cu lo a bebe chloor

Diamars madruga un dama a yama polis pa un homber cu lo a bebe chloor, mesora a dirigi tanto polis como ambu-

lans na e sitio.

Na yegada di e patruya nan a papia cu e homber cu lo a bebe chloor y cu ainda e ta

bata consciente, mientras na yegada di e ambulans nan a atende e persona y a transport'e pa hospital pa atencion medico avansa.



Congo ta yama declaracion di alto-el-fuego di rebeldenan un ‘comunicacion falso’ mientras reportahenan di bringamento ta keda surgi

(AP) — Ayera e gobiernu di Congo a describi e alto-el-fuego unilateral declara pa rebeldenan cu ta ricibi sosten di Ruanda den e parti oost di Congo como un “comunicacion falso,” mientras e Organizacion di Nacionnan Uni (ONU) ta tuma nota di reportahenan di bringamento pisa cu forsanan Congoles den e region.

Rebeldenan di M23 a anuncia dialuna e alto-el-fuego pa motibo humanitario despues di peticionnan pa ayudo humanitario pa e shen miles di hende desplasa pasa den e region sin peligro. Pero “loke nos ta wardando p’e ta e re-

tiro di M23,” vocero di gobiernu di Congo, Patrick Muyaya, a conta periodistanan.

Siman pasa M23 a tuma control di Goma, un ciudad cu tin 2 miyon hende, y cu ta e centro di un region cu tin triyones di dollar den rikesa mineral. E ciudad ta den control di e rebeldenan ainda. M23 tabata reporta cu e ta ganando tereno den otro arenana di e region y ta avansando riba un otro capital provincial, Bukavu, den South Kivu.

Ayera e vocero di ONU, Stephane Dujarric, a bisa cu nan tin reportahenan di bringamento pisa den South Kivu,

pero “nos no tin reportahenan cu M23 ta moviendo mas cerca di Bukavu.”

Rebeldenan di M23 ta ricibi respaldo di mas o menos 4,000 soldad for di Ruanda, segun expertonan di ONU. Esaki ta hopi mas compara cu na 2012, ora nan a captura Goma un rato pero despues a retira bou presion internacional. M23 ta e grupo arma mas poderoso entre mas cu 100 otro grupo arma cu ta opera den e parti oost di Congo, cual tin un deposito grandisimo di material critico pa hopi tecnologia na mundo.

Gobierno di Congo a bisa cu e ta habri pa dialogo pa



soluciona e conflicto, pero e dialogo mester tuma luga den e contexto di acuerdonan di paz anterior. Ruanda y rebeldenan a acusa Congo cu nan no ta cumpli cu acuerdonan di antes.

Lidernan regional lo reuni diabierna y diasabra den Tanzania pa trata e conflicto.


Tambe ayera, minister di Asunto Interior di Congo, Jacquemain Shabani, a bisa cu e cantidad di morto den e bringamento di siman pasa a yega na 2,000, afirmando cu e curpanan a ser poni den graf masal. Shabani a yama nan “victimanan di e masacre cu e ehercito di ocupacion Ruandes a comete.” No tabatin ningun reaccion inmediato for di Ruanda.






















Dialuna e agencia di salud di ONU a bisa cu al menos 900 hende a muri den e conflicto na Goma entre rebeldenan y forsanan Congoles. Habitantenan ta sigui hinca cadaveran den tera.

“Mi a mira e condicionnan den cual nos ruman Congoles a ser hinca, nos yiu cu tabata victima di balanan durante e evento na Goma,” Elisha Dunia, tata di un di e victimanan, a conta The Associated Press na un santana den e ciudad. “Nos tin dolor, y nos ta pidi pa paz por bolbe den nos pais.”

Debors Zuzu, kem tabata na e mesun santana, a bisa cu el a perde tres miembro di su famia, dos den un explosion di bom mientras e otro a ser tira. El a bisa cu e ta destrosa. “Nos peticion mas grandi ta pa e lidernan por garantis cu e guerra a caba, pasobra guerra no tin ningun balor. Nos kier paz na Goma,” Zuzu a bisa. “Si tur hende muri, mi no sa ken e lidernan lo goberna.”

E coordinador humanitario di ONU pa Congo, Bruno Lemarquis, a pidi pa e aeropuerto di Goma habri urgentemente, describiendo esaki como “un salbagedia” pa e evacuacion di hende herida y entrega di ayudo.

Resultado Sorteo Februari 04			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
4052	1953	8747	8739
7021	0587	SUPER5	6951
2673	9033		0825

MERDIA	ANOCHI		
 Sorteo # 4527 6688 6369 9124  X3  Sorteo # 4527 4441  FP  Sorteo # 2583 6325  Sorteo # 4527 4453 Tauro  Sorteo # 1401 053  X2	 Sorteo # 8465 7465 4221 3343  X5  Sorteo # 7509 9060  X2  Sorteo # 2214 3118  Sorteo # 6268 7965 Scorpio  Sorteo # 1198 334  X2	 Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 265.000,-	 11-14-17-22-27 Sorteo # 6733 0 x Jackpot 14 x Match 4 259 x Afl 8,00 Proximo Jackpot 54.000,-
		 Sorteo # 1738 0 x Jackpot 3 x match 4 23 x Afl. 500,00 315 x Afl 50,00 446 x Afl.15,00 03-17-22-26 Mega Ball 06 Proximo Jackpot 1.200.000,- Afl. 1.900.000,-	
	 Sorteo # 		



**Cas Di Cultura**

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081

**Dokter na warda**

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
St. Cruz: Seroe Preto:
Tel. 585 8028 Tel. 584 4833

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Parlamento di Groenlandia ta aproba prohibicion di donacion politico di exterior

(AP) - Groenlandia su parlamento a aproba un proposicion cu ta prohibi partidonan politico di ricibi contribucion “for di contribuyente anonimo of di exterior” despues cu President donald Trump a expresa su deseo pa Merca adkiri e isla Arctico cu ta pertenece na Dinamarca.

E proposicion tin e meta di proteha “Groenlandia su integridad politico” y lo drenta den efecto inmediatamente, segun un traduccion di documento parlamentario den e idioma Danes unda ta detaya e medida.

E proposicion aki “mes- ter ser mira cu e interesnan geopolitico di Groenlandia den mente y e situacion actual unda representantenan di un aliado cu gran poder a expresa interes den adkiri y controla Groenlandia,” e documento a detaya.

Prome cu el a drenta na mando pa su di dos termino, Trump a bisa cu e no ta descartar e uso di forza militar pa tuma control di Groenlandia, yamando esaki vital pa e seguridad nacional di Merca. Su yiu mas grandi, Donald Trump Jr, a bishita Groenlandia luna pasa y a bisa e ciudadanonan cu “nos ta bay trata boso bon.”

Dinamarca ta un aliado di Merca y miembro fundador di NATO y su teritorio semiautonomo ta cas di un base militar grandi di Merca.

Cu un area total di 2.17 miyon kilometer cuadra, Groenlandia tin un poblacion di 57,000 persona y ta un di cinco parti di e tamaño di Merca, segun CIA World Factbook.

Un oficial legal den parlamento di Groenlandia, Kent Fridberg, a conta The Associated Press cu e no tabata sa si algun contribuyente di exterior a haci donacion na Groenlandia su partidonan politico y cu e idea di e proposicion ta mas tanto “un medida di prevencion.”



Fridberg a nota cu algun politico di Rusia a expresa interes similar y cu e partidonan

politico na Groenlandia ta financia publicamente.

Pronostico di tempo

Tempo:

Awe nochi: parcialmente nubia cu un awasero breve
Den marduga y mañan: parcialmente te temporalmente hopi nubia cu algun awasero breve

Temperatura maximo 31 grado Celsius

Temperatura minimo 26 grado Celsius

Indice di calor (heat index) den y rond di oranan di merdia: 32 pa 36 grado Celsius
Uv index: 8

Bahada di solo : 6:43 pm
Subida di solo : 7:04 am

Biento:

Moderate te basta fuerte for di direccion generalmente oost; forsa 4 te 5 (20 te 39 km/ora, 11 te 21 nudo)
Durante di dia fuerte te posiblemente duro den rafaga; forsa 6 te 7 (40 te 61 km/ora, 22 te 33 nudo)

Situacion general di tempo:

Extension di e area di presion halto riba Atlantico ta sosteniendo un biento modera



te basta fuerte y fuerte te duro den rafaga. Condicionnan levemente instabil lo zorg pa un coriente di aire humedo. Esaki lo resulta den temporalmente mas nubia den region cu localmente algun awasero breve durante e periodo di pronostico aki.

Condicionnan maritimo/ estado di lama:

Na partinan proteje di costa: keto, rond di 1 pia.

Na partinan zuid: trankil 1 pa 3 pia.

Na partinan oost te noord-west di costa: modera te localmente poco bruto cu olanan alrededor di 4 pa 6, localmente 7 pia.

TA BUSCA

TBT Design Center N.V.

ta busca

“Schoonmaakster”

Por yama na

Tel. 592 8085

218890

Aurora


Royal Pray

Funeral Home & Crematory

Lagrima y flornan por seca, pero su recuerdonan y tur loke el a haci y significa pa nos, lo keda graba pa semper den nos mente y curason.

"Cerca Dios mi alma ta na paz, ta di DJ'E mi salvacion ta bin"
Salmo 62:1

Cu teribel dolor nos ta participa fayecimento inespera na Santo Domingo di nos yiu y ruman



Joaquin Giovanni Vrolijk
Cariñosamente yama "Ivan"
*01-08-1969 - †27-12-2024

Na number di su

Tata: Joaquin Vrolijk

Mama: Filomena Maria Vrolijk – Kelly

Ruman: Vernon Siegfried Vrolijk

Su Amiga Stima: Nathaly Domingues

Su Tanta y Omonan:

Geronimo "Romo" y Frida Croes

Brigida Croes

Tuyo Willems y Ina Knecht

Luisito Willems

Eri Willems y Lima Fingal

Tanta Grandi Stima: Sisi Willems

Primo y Primanan na Aruba, Merca, Hulanda, Corsow, Costa Rica, Oostenrijk, Belgica

Demas Famia: Vrolijk, Kelly, Croes, Willems, de Freitas, Wild, Provence, Archangel, Tromp, Meyboom, Washizaki, Loefstop, Rosado, Albertsz

Ta invita na **Acto di Despedida** cual lo tuma lugar **Diaranzon 5 Februari 2025 2or – 4or PM** na Aurora Funeral Home.

Un disculpa si den nos tristesa nos por a lubida algun famia

Despues di ceremonia no lo ricibi bishita di condolencia na cas

Aurora

Royal Pray

Funeral Home & Crematory

"Quien como Santo Dios su gran Santa voluntad en su sociego paz micericordia perdon por toda su falta."

Habri portanan santu pa mi, mi ke drenta y alabá Señor. Ata e porta di Señor aki, tur e fielnan ta pasa den dje. Mi t'alabá bo pasobra B'a skucha mi, pasobra B'a manda mi salbashon.
Salmo 118: 19-20-21

Cu dolor na nos curason, nos ta participa fayecimento di nos ser stima:



Sra. Ubaldina Severino
Cariñosamente yama "Uba"
*30-11-1945 - †23-01-2025

Na number di su:

Casa: Antonio Tejada Polanco

Yiunan:

Belky de Cuba-Severino

Pedro Tejada

Arelis Tejada

Gladys Corona-Tejada y Leoncio Corona

Ana Rodriguez-Tejada y Moreno Rodriguez

Lilian Paredes-Tejada

Nietonan:

Henry Domingues Tejada, Junior

Domingues Tejada, Jeremy Tejada, Jereld

Tejada, Michael Tejada Paredes, Brandon

Tejada Paredes, Yelitza Tejada Paredes,

Marcos Tejada, Estephany Tejada, Erick

Tejada, Merline Quezada, Kenji Quezada,

Elio Corona, Elizabeth Corona, Yesica

Corona, Yenelly de Cuba, Dairon de Cuba,

Nathan de Cuba

Rumannan: Luz Maria, Josefina, Pedro, Ana Rosa, Marcela, Natividad.

Sobrino y sobrinanan, primo y primanan, tanta y omonan, amigo y amiganan, conocirnan.

Demas famia: Tejada, Severino, de Cuba, Paredes, Dominguez, Corona y demas famia na Sto Domingo y Hulanda.

Acto di condolencia lo tuma lugar na **Aurora Funeral Home** **diamars 4 di februari 2025 di 7or pa 9or di anochi.**

Entiero lo tuma lugar na **Misa San Francisco** na **PLaya** **dianzon 5 di februari 2025 di 2or pa 4or di atardi.**

Despues lo sali pa Santana Gobierno na Playa.

Despues lo sali pa Santana Gobierno na Playa.

Nos disculpa si den nos tristesa nos por a lubida algun famia of conocir.


Aurora

Royal Pray

Funeral Home & Crematory

"Señor ta mi wardador, mi'n tin falta di nada Den cunucu di yerba berde e ta ponemi sosega. E ta hibami na awa trankil, Pa mi bolbe haña forsa".
Salmo: 23

Nos ta anuncia fayecimento di:



Rolando Facundo Bernadina
Mihor conoci como: "Ronny"
*27-11-1950 - †31-01-2025

Oportunidad pa condolencia: dialuna 10 di februari 2025 di 7 pm pa 9 pm na Aurora Funeral Home

Ta invita pa e **acto di despedida** cu lo tuma lugar **diamars 11 di februari 2025** na misa Pro Catedral San Francisco na Playa di 2 pm pa 4 pm. Sigi pa e **acto di cremacion** den seno di famia.

JHI Jolley Holding
Aruba V.B.A.

Nos ta cumpli cu e tristo deber di anuncia fallecimiento di

Bryon Shaughn Richardson

*20-06-1996 - †31-01-2025

yui di nos
Gerente di Recurso Humano
y colega Sra. Federica (Ica) Jones

Acto di entiero wordo anuncia despues.

Aurora

Royal Pray

Funeral Home & Crematory

No corda riba mi cu tristeza, No corda riba mi cu lagrima.
Corda riba mi cu sonrisa y harimento. (Author J.M.)

Cu inmenso tristeza na nos curason nos ta participa fayecimento di nos Esposa, Mama, Wela stima:



Bernadeta L M. Maduro Tromp

Cariñosamente yama : "Deta, Chideta & Mama Deta"

*18 Jul 1952-†31 Jan 2025

Na number di su:

Esposo: Esteban "Banban" Maduro.

Yiunan:

Joanne Maduro & Lionel Stacie
Josette "Josie" Maduro & Alejandro Rua
Jonathan "Buchi" Maduro & Erilu Arcaya

Andre Da Silva (Na Hulanda)

Su nietonan cu e la stima hopi:

Christian Boekhoudt & Daniela Rodriguez
Josthan Maduro & Ines Ortega
Jeevan Maduro
Erian Maduro

Rumannan:

Rudolf "Rudi" Tromp na Hulanda
Sharmila "Lila" Tromp
Alida "Dachi" & David "Tachi" Franken

Subrinonan:

Aaron Franken

Jonathan Tromp & famia
Jeffrey de Cuba
Alexander Da Silva & famia

Mama di su prome nieto: Daisy Boekhoudt

Swa & Cuñanan:

† Fidelia "Betty" Maduro & famia
† Lorenzo "Encho" Maduro & famia
Flora "Mina" Maduro & famia
Maria Croes - Maduro & famia
Lucia Maduro & famia
Isidora "Dora" Krozendijk Maduro & famia
Inocencio "Ino" Maduro & famia
Rita Maduro & famia
Julian Maduro & famia

Primo, Primanan & famia, Ihanan, Comper & Comernan
Su amigonan di "Paga Bo Luz Bar" & bon bisinarian
Ex Coleganan di Brenchie's & Cheng's, Manton Lottery
Y tur Cu e la stima manera un yiu.

Demas famia: Tromp, Maduro, Stacie, Rua, Arcaya, Boekhoudt, Rodriguez. Ortega, Franken, Da Silva, Rafaël, De Freitas, Gavidia, Baarh, Dijkhoff, Bernadina. Ridderstaat, Gomez, Vrolijk, Martinez. Seegers, Geerman. Van Dalen. Jacobs, Quandus, Hart, Croes, Kelly, Christaans, Lampe, Henriquez. Flanegin, Lopez, Werleman, Diaz, Orman, Rosel, Velasquez, Giel, Wolft, Farro, Martis, Koolman, Frank, Williams, Zievinger, Feliciano, Colina, Wilems, Petronia. Van der Biezen, Morris, De Cuba, Krozendijk, Carrasquero, Marin, Schoop, Serje, Lodowica, Van Rooijen, Maria, Vielma.

Na lugar di flor of krans lo aprecia un donacion pa un bon causa, lo fin un box disponible.

Nos disculpa cu si den momento di nos tristeza nos lo por a lubida un famia of conoci.

Condolencia lo tuma lugar na Aurora Funeral Home **Diahuebs 06 di Februari 2025 di 7or pm pa 9or pm.**

Acto di entierro lo tuma lugar **Diabierna 07 di Februari 2025** na Misa Sta. Anna na Noord di **2or di atardi pa 4or di atardi** y despues lo sali bai pa santana catolico na Noord.

Nos ta lamenta cu despues di entierro nos no ta ricibi bishita di condolencia na cas.

Aurora

Royal Pray

Funeral Home & Crematory

Mira con Dios a salba mi,
Tur mi confiansa ta den djE,
Mi n' tin miedo:
Señor Dios ta mi forsa, mi refugio.
E mes t'Esun cu a salba mi.
Isaías 12:2

Cu dolor na nos curason, pero conforme cu señor su bolundad, Nos ta participa fayecimento di nos ser stima:



Cecilio Efraim Croes

*1 Februari 1939 - + 29 Januari 2025

Mihor conoci como Mo Fein, Mo frem of Momo
Ex-empleado di Garage Cordia Company (Toyota)

Na number di su

Casa: Sra Angelita Croes-Wernet

Mecos cu yiunan:

Rodney Kamperveen, Raymond Kamperveen,
Joanne Angela-Kamperveen, Jorienne y Georvin
Angela

Rumannan:

† Agnes & + Ciriaco Theysen-Croes y famia
† Felix (Shontan) & + Eve Croes-de Cuba y famia
† Aura & + Juan Theysen-Croes y famia
† Chico y Chichi Croes-Yarazaray y famia
† Ina Croes

Swa y cuñanan:

† Frans & + Chimina Wernet-Maduro y famia
† Scolly & + Benny Vingal-Wernet y famia
† Rosa & + Panchito Geerman-Wernet y famia
Do & + Foyen Wernet-Croes y famia
Ady & + Carlos Noguera-Wernet y famia
Mario & Lidia Wernet-Bisslip y famia
† Maria & + Robby Rasmijn-Wernet y famia
† Leoncita (Sita) & + Robby Maduro-Wernet y famia
† Rochi & Miriam Wernet-Larez y famia
Ronny y Jetty Wernet-Nasier y famia
Aura & + Johnny Kamperveen-Wernet y famia
Roberto & Tarcila Wernet-Arends y famia
† Benny & Viola Wernet-Wouters y famia

Ihanan, primo y primanan, subrino y subrinanan, comer y compernan, demas famia y conocirnan.

Ta invita pa e **acto di entierro** cual lo tuma lugar **Diahuebs 6 Februari 2025 di 1or pa 4or di atardi** na Misa Cristo Rey na Brazil (Catolico) y despues ta sali pa santana Central na Sabana Basora.

Nos disculpa cu si den momento di nos tristeza nos lo por a lubida un famia of conoci.

Nos ta lamenta cu despues di entierro nos lo no ricibi bishita di condolencia na cas.

Aurora

Royal Pray

Funeral Home & Crematory

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y Laga esakinan termina den tur buniteza.
Autor: Cado Wever.

Cu inmenso dolor na nos curason, nos ta anuncia fayecimento inespera di nos kerido ruman y omo:



Sr. Hector Alfred Maduro

Mihor Cconoci Como "Aleman"

*23-03-1964 - †25-01-2025

Mayornan :

† **Tata:** Presentacion Shoni Maduro
† **Mama:** Federica Rica Boekhoudt

Na number di su:

Rumannan:

Judith Maduro y famia na Hulanda
Elvis Maduro y Judtih van der Biezen
Melvin Maduro y famia
Kenneth Boekhoudt y Sharlyn y famia
Shamin y Jude Pieters y famia
Shida Boekhoudt y famia
Karin Petrochi y famia na Hulanda

Sobrino y Sobrinanan
Primo y Primanan
Coleganan di trabao di Felipe Construction y WEB departamento di maintenance.
Bisinja y conocirnan
Su amigonan di Softball Team
Janis Softball Team
Flenge Flenge Softball Team
Now & Never Softball Team
Su Sobrino stima Elvis Junior Maduro
Y demás conocirnan
Tanta y Omonan:
Vda. Chanita Hernandez y famia
Vda. Mathilde Paskel y famia
Alfonso Boekhoudt y famia
Juanita Boekhoudt
Selsa y Donny Tjen A Kuoei

Amigonan di cas: Melvin Fingal, Elvis Willems

Demas Famia: Maduro, Boekhoudt, Paskel, Hernandez, van der Biezen, Tromp, Pieters, Petrochi, Henriquez, Kock, Kelly, Donata, Ruiz, Werleman, Flanegin, Geerman, Lampe, Florencio, Stamper, Ras, de Cuba, Dubero, Croes, Fingal, Wever, Vrolijk, Cortes.

Condolencia lo tuma lugar na Aurora Funeral Home **diaranson 5 di februari 2025 di 7'or pa 9'or** di anochi.

Acto di entierro lo tuma lugar na Misa Inmaculada Concepcion na Sta Cruz **diahuebs 6 di febrauri di 2'or pa 4'or di atardi.** Despues lo sali pa Santana Catolico na Sta Cruz.

Nos disculpa si den nos tristeza nos por a lubida algún famia.

Despues di entierro no ta ricibi visita di condolencia na cas.

Aurora

Royal Pray

Funeral Home & Crematory

"Señor ta mi wardador,
mi'n tin falta di nada
Den cunucu di yerba berde
e ta ponemi sosega.
E ta hibami na awa
trankil,
Pa mi bolbe haña forsa".
Salmo: 23



nos ta anuncia fayecimento di:

Lucia O. Dirksen
*13-12-1947 - †22-01-2025

Na nomber di su:

Rumannan:

Vdo Emiliano (Emi) Dirksen y yiunan
Escolastico (Tico) Dirksen
Sixto Dirksen
Gisela Dirksen y Milo Werleman

Sobrino - Sobrina-nan:

Rolando Dirksen
Evelina y Egbert Brete Dirksen y yiunan
Johnny Dirksen y Carol Dijkhoff y yiunan
Renald y Mary Dirksen y yiunan
Raul y Janine Dirksen y yiunan
Raymond y Alexandra Dirksen y yiunan
Randy Dirksen y Clarisa
Jane y Roberto Geerman Dirksen y yiunan
Leo Kelly y yiu
Angel Kelly y Dilenia y yiunan
Bernadette Ellis

Manera Sobrino: Freddy Rina

Sobre Sobrino (a) nan:

Eduard y Wency Brete y yiu
Ederick y Brillitte Brete y yiunan
Egbert y Jetzee y yiu
John y Sharlin Dirksen
Jean- Lyne y Jaimy-Lyne Dirksen
Mayron Dirksen na Hulanda
Rose-Anne Dirksen y yiu
Jessica Dirksen y yiu
Daniel Geerman na Hulanda
Susan Geerman y Norwin y yiunan
Stephany Geerman y Angelo y yiunan
Denilson Geerman
Devyne Geerman na Hulanda
Leandra Kelly
Luis Kelly

Sobre Sobrina: Arzulaine y Shantal Arzuza Avita

Ihanan: Raul Dirksen, Randy Dirksen, Jesenia Caranza

Personan Stima:

Zeraida y Gregory y Maduro – Romero

Amigo - Amiga – nan Rendy y Jesseliene Ras, Shirley Rijna, Margo Bislip, Vera Bislip, Mimi y Frederick Croes y yiu, Sharin Noguera

Primo y Prima nan Comer y Comper nan y demas famianan

ta invita tur bisañanan, amigo(a)nan y conocir nan pa asisti na e **acto di entierro** cual lo tuma luga **Diasabra 08 di februari 2025** saliendo for di **papilon 113** despues pa santana Catholico Santa maria na Santa Cruz. E Restonan di **Lucia lo ta Reposa for di 12' or di merdia pa 3:00 pm na papilon # 113**

Adres pa Condolencia: Papilon113

Disculpa nos si den nos momento di tristeza nos por a lubida algun miembro di famia

Aurora

Royal Pray

Funeral Home & Crematory

My sweet boy, our swordfish
killer, our son, Kyle Ri's
brother, a super friend
to many, knowledgeable
beyond expectations, dare
devil, adventurous and
a joker, none of us were
prepared for this news.



None of us saw this coming. You had holidays
coming but did not want us to know when you
were coming.

Bryon Shaughn Richardson
*20-06-1996 – 31-01-2025

Date and time will be announced later.

Aurora

Royal Pray

Funeral Home & Crematory

"Bou di alanan di Dios mi ta
sigur"
Abo ku ta biba bou di amparo di
Altisimo, ta hospeda den sombra
di Dios Omnipotente, bisa Señor:
"Mi refugio, mi forti, mi Dios, den
kende mi ta pone mi konfiansa"
Salmo 91:1-2



Cu dolor na nos curason, nos ta
participa fayecimento di nos ser
stima:

**Humphrey S.
Hewitt**

Cariñosamente yama "Piet"
*28-10-1949 - †31-01-2025

Acto di dedpedida lo wordo anuncia despues

Aurora

Royal Pray

Funeral Home & Crematory

"Señor ta mi wardador, mi'n
tin falta di nada
Den cunucu di yerba berde e ta
ponemi sosega.
E ta hibami na awa trankil,
Pa mi bolbe haña forsa".
Salmo: 23



Nos ta anuncia fayecimento di:

Walfrida Jacintha Maria Werleman-Tromp
*03-12-1963 - †02-02-2025

Acto di entierro lo wordo anuncia despues.

Aurora

Royal Pray

Funeral Home & Crematory

"I have fought the good fight,
I have finished the race, I have
kept the faith." - 2 Timothy 4:7



It is with deep sadness that we announce the passing
of our beloved: husband, father, brother, brother-in-
law, uncle, cousin, and friend.

Edward Alexander Anderson
Better known as "Andy, Eddy or Adarn"
* April 4, 1950 - † January 18, 2025

The date for the funeral service will be announced
later.

UE y Moldova ta acorda na un
plan di seguridad di energia
pa e pais no depende mas riba
suministracion Ruso



(AP)—E Union Europeo y Moldova a acorda
ayera riba un plan di seguridad energetico cu
e meta pa descustumbra e pais di su depen-
dencia riba suministracion Ruso y integra
esaki den e red di e bloc.

E sector ehecutivo di UE, e Comision Europeo,
a bisa cu Moldova lo ricibi 250 miyon euro e aña
aki—40% di dje pa mey april—despues cu e com-
pania energetico di Rusia, Gazprom, a stop cu su
suministracion dia 1 di januari.

Bulamento di coriente diario a ser imponi despues
cu shen miles di hende den e region separatista y
pro-Rusia Transnistria di Moldova a keda sin heater
y awa cayente luna pasa pa via di un cuenta cu un
balor di supuestamente 709 miyon dollar pa sumi-
nistracion den pasado pa Moldova.

E decision pa Gazprom, cual a bin na vigor un dia
despues cu un acuerdo di transito di gas entre Ru-
sia y Ucrania a vence, a stop suministracion di gas
pa e planta energetico na Transnistria, cual ta pro-
vee un porcion grandi di Moldova su electricidad.

E comision a bisa cu su pakete financiero lo provee
sosten na consumidornan na Moldova—un can-
didato pa miembresia di UE—pa asina yuda paga
nan cuenta di coriente. Aproximadamente 60 mi-
yon euro ta marca pa 350,000 hende cu a keda den
frii na Transnistria.

Moldova, un ex-republica Sovietica di aproxima-
damente 2.5 miyon hende, a keda completamente
dependiente riba Moscu pa gas natural despues cu
Rusia a invadi Ucrania na 2022, pero desde e tem-
po ey a pusha pa diversifica y expande su fuentenan
di coriente. E guerra tambe a forsa UE pa termina
su dependencia riba importacion di energia for di
Rusia.

El a enfrenta presion for di Moscu retira for di su
direccion pa e West durante e ultimo añanan.

Enviado di Trump ta yama cronograma di reconstruccion di Gaza den tregua di Israel-Hamas ‘absurdo’

(AP) — Enviado di presidente Mericano, Donald Trump na Medio Oriente a bisa ayera cu e cronograma di tres pa cinco aña pa reconstruccion di Gaza, manera describi den un acuerdo di tregua temporal, no ta un plan viable post-guerra pa e teritorio destrosa pa bataya.

E yamado renoba di administracion di Trump pa nacionnan Arabe reloca Palestinonan des-plasa ta yega mientras Trump tabata programa pa reuni cu prome minister Israeli, Benjamin Netanyahu na Cas Blanco ayera.

“Pa mi, ta inhusto pa splica Palestinonan cu nan por ta back den cinco aña,” enviado di Trump, Steve Witkoff a bisa reporteronan. “Esey ta djs absurdo.”

Egipto y Jordania, como tambe otro nacionnan Arabe, a rechasa yamado di Trump pa reloca e 2.3 miyon Palestino na e teritorio durante e reconstruccion post-guerra di e teritorio. Pero oficialnan senior di e



administracion ta continua pushando e caso pa relocacion di Palestinonan pa motibo humanitario.

“Na dado momento nos mester mir’e realisticamente. Con bo ta reconstrui Gaza,” consehero di Seguridad Nacional di Cas Blanco, Mike Waltz a bisa.

“Con esey ta muestra? Kico ta e cronograma? E hendenan akit a sinta cu literalmente miles di armamento no explota, den monton di escombros.”

Enfoke di Cas Blanco riba reconstruccion ta yega mientras e tregua nascente entre Israel

y Hamas ta colga den balans. E prome minister Israeli ta enfrentando presion di su coalicion derechista pa caba cu un tregua temporal contra militantenan di Hamas na Gaza, como tambe for di Israelinan cansa di guerra cu kier e resto di e rehennan cas y un fin pa

e conflicto di 15 luna.

Mientras tanto, Trump ta keda cauteloso tocante e prospeccionan di e tregua a largo plaso, hasta mientras e ta tuma credito pa presiona Hamas y Israel pa drenta e acuerdo di rehen y alto-al-fuego cu a drenta na vigor e dia prome cu el a asumi su cargo luna pasa. “Mi no tin garantia cu e paz ta bay dura,” Trump a bisa reporteronan dialuna.

Desde cu el a bolbe e presidencia, Trump a haci un yamado pa reloca Palestinonan for di Gaza na bisiaña Egipto y Jordania, hasta mientras presidente Egipcio, Abdel Fattah el-Sissi y rey Jordania, Abdullah II a rechasa e plan.

Saudi Arabia, Emirato Arabe Uni, Qatar, Autoridad Palestino y Liga Arabe a join Egipto y Jordania den rechasa plan pa move Palestinonan for di nan teritorio na Gaza y West Bank. Toch Trump ta insisti cu e por persuadi Egipto y Jordania pa acepta Palestinonan des-plasa pa motibo di e ayudo significativo cu Merca ta duna Cairo y Amman.

Alrededor di 10 morto den loke oficialnan ta bisa ta e pio tiramento masal na Suecia

(AP) – Alrededor di 10 persona, incluyendo e sospechoso, a ser mata ayera na un centro di educacion pa adulto den loke prome minister di Suecia a yama e pio tiramento masal di e pais. Pero e cantidad total di morto, un cantidad conclusivo di herido, y un motivo, ainda no a keda determina varios ora despues.

Prome minister Ulf Kristersson a duna un conferencia di prensa despues di e tragedia, cu a tuma lugar pafo di Orebro. E ciudad ta ubica como 200km west di e capital Stockholm.

E scol, yama Campus Risbergska, ta sirbi studiantenan di 20 aña bay ariba, segun su website. Ta ofrece lesnan di scol primario y secundario como tambe les di Sueco pa migrante, training vocacional y programanan pa hende cu discapacidad intelectual.

“Awe nos ta testigo di violencia brutal, mortal contra hendenan completamente inocente,” Kristersson a bisa reporteronan na Stockholm. “Esaki ta e pio tiramento masal den historia Sueco. Hopi pregunta ta keda sin contesta y mi no por duna e contestanan ey tampoco. Pero ta bay yega un tempo unda nos

lo sa kico a pasa, con el a pasa y ki motibonan por tin su tras. Laga nos no specula,” el a bisa.

Violencia cu arma na scol ta hopi inusual na Suecia. Pero den ultimo añanan tabatin varios incidente den cual hende a keda herida of mata cu otro arma, manera cuchiu of hacha.

Minister di Husticia, Gunnar Strommer a yama e tiramento “un evento cu ta sacudi henter nos sociedad te den su curason.”

Mientras Sueconan ta lesa tocante violencia asina na otro lugarnan, Strommer a bisa cu e pais anteriormente a sinti cu e no lo sucede eyan. Otro tragedianan den scolnan Sueco no tabata na e grado di e atake ayera, el a bisa, yamando esaki “indescriptiblemente tristo” pa e comunidad.

Daño na e escena di e crimen tabata asina extenso cu investigadornan no por tabata mas definitivo tocante e cantidad di fatalidad, segun Roberto Eid Forest, cabesante di polis local. Polis a bisa cu e cantidad di morto registra por aumenta.

Eid Forest a bisa reporteronan cu e sospechoso tabata entre e mortonan. Polis ta kere cu e sospechoso a actua riba su mes, y e no tabata conoci pa polis anteriormente, oficialnan a bisa.

Autoridadnan a bisa cu no tabatin conexion sospecha cu terrorismo na e punto aki, pero polis no a duna un motibo. “Claro, nos tur kier compronde pakico esaki a pasa, kico a sucede y ki motibo e sospechoso por tabatin,” Kristersson a bisa. “Nos ta bay tin cu warda pa e contestanan aki – na su momento, e imagen ta bay bira mas cla.”

Polis a haci inval na cas di e sospechoso despues di e tiramento ayera, pero no tabata inmediatamente cla kico nan a haya. Eid Forest a bis cu no tabatin advertencia prome cu e atake. Autoridadnan tabata trahando pa identifica e fayecidonan.

Rey Sueco, Carl XVI Gustaf a elogia polis y e personal medico y di rescate cu a responde na e tiramento, y a duna palabra di condolencia na famia di e victimanan. “Ta cu tristesa y

consternacion cu mi famia y ami a ricibi e informacion tocante e atrocidad teribel na Orebro,” e monarca a bisa den un declaracion. “Nos ta manda condolencia awe nochi na e famia y amigo di e fayecidonan. Nos pensamentonan na e momento aki tambe ta bay na e heridonan y nan famia, como tambe otronan afecta.”

E tiramento a cuminsa despues cu hopi estudiante a bay cas despues di un examen nacional. Vehiculo di polis y ambulance, cu luznan, a cubri e parking lot y cayan rond di e scol, mientras un helicopter a bula ariba.

Maestro Lena Warenmark a bisa SVT News cu tabatin un cantidad inusualmente abao di estudiante riba e campus ayera tardi despues di e examen. E tambe a bisa e noticiero cu el a scucha probablemente 10 tiro.

Studiantenan a sconde den edificacion cercano. Otro partinan di e scol a keda evacua despues di e tiramento, cu a cuminsa alrededor di 12:30pm ora local.

